


法華玄義釈籤五十一

C40
4514
202



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

240-4514

3 64853

法華玄義釋籤卷第十二

天台沙門湛然述

三剛伏斷中二先正剛圓位伏斷次復次下兼剛諸位初文又二初正剛位次判通別初文中二初凡次聖初凡位中二先外次內初外中五先立次諸教下斤權三大經下引證四例如下引例五今此下辨有無亦兼斤權初二如文引證中云大經等者第六云善男子聲聞之人有肉眼者說有謂魔不爲脩學大乘人說故聲聞之人雖有天眼名爲肉眼學大乘者雖有肉眼名爲佛眼何以故是大乘經名爲佛乘如

是佛乘最上最勝經文雖約調魔而說通一切法準此可知又聲聞所得天眼既貶同肉眼故知所得慧眼旣未同於如來所得第一慧眼若望佛眼慧眼猶名爲肉以未見於中空故也迦陵頻伽如止觀第一記次內凡位中三先立次如經下引證三當知下結位初如文次文二先引此經次引纓珞此經中云三陀羅尼者陀羅尼此云總持此三各能總持諸法如云一空一切空等假中亦然故名爲總疏云旋者轉也轉一切法皆悉入空言百千萬億者以從數故故名爲假中道法音能作內體方便故也此三祇是一

心三觀持一切法通名總持此中卽是相似三總持也次聖位者若入初住得真法音者謂破無明證真法性若關中云七住已上照體獨立神無方所七住已前爲證何法不知復是何教七住應廣破五次若約下判通別中二先約位判次約因果先約位中二先別次若論下通先別中云無生等者已斷當地復伏後地故名爲亦次通中又四初下名通上次伏順下上名通下三又就事下二名偏通四若約下因果互通初文中三初初住已去通上次亦名下五品之名通上三伏忍下十信之名通上初文二先明名

通次大經下引證涅槃在果其名既通故知果名何獨寂滅次五品通中二初以伏義通上次伏是下復以賢義通上初又二初立次仁王下引證次義者亦二先立次普賢下引證言普賢居衆伏之頂者讓佛爲聖故等覺名賢賢即是伏伏中之極極在此位名衆伏頂三十信之名通上中但舉伏名爲例故云可解故知如來方得名爲至順之極五品尚通是故六根但須況出第二文二先立次引證三徧通中二初事理次始終初云又就事爲無生等者惑是事法故約感滅得無生名名爲就事此惑若滅必證實理故

約所證名爲寂滅當知始從初住乃至妙覺一一無非惑滅證理乃至五品亦可得名觀行事理六根名爲相似事理乃至亦可云理性名字事理等也今旣明圓卽是圓位當知圓名亦可通用二名互通者此卽尅取初住已去與佛果位二名互通約因果辨互通中二先標次釋初如文次釋中二先通次別初通中二先單判次重判初文中二初云約因論果卽因義通果約果論因卽果義通因次大經下舉別以釋通先舉別故云是果非因等次釋別令通云了見佛性亦得名因言云云者亦應更言脩涅槃故乃得名

因證涅槃故亦得名果。次等覺下重以因果之名以判證位。等覺至妙覺爲因者。今一往以等覺爲因。妙覺爲果。下地已去有重因果。所言亦因亦因。因等者。大經二十五獅子吼品云。佛性者。亦因亦因。亦果亦果。果初以十二緣爲因。因者名爲智慧。果者卽阿耨菩提。果果者大般涅槃。故知經意以十二因緣爲理性三因。故名爲因。觀因緣智。望果是因。因上起因。故云因因。菩提望因名之爲果。菩提果上。又加涅槃。名爲果。果次以十二因緣爲譬。云如無明爲因。行爲果。行爲因。識爲果。以是義故。彼無明體亦因亦因。

因亦果亦果。果無明。望行。名之爲因。若望於識。名爲因。因望於往。因名之爲果。望往因。因名爲果。果今從法譬。俱得說之。故云亦因亦因。仍就證道。故從初住乃至妙覺。故於等覺。唯因非因。因。唯果者。但望十地。若望下地。亦名果。果故云下地已去。是則初住。唯因而非果。妙覺在果而非因。中間諸位。互受其名。次別義中二。初略判次云。何下略。釋釋中二。先釋伏順位。次無明下。釋無生位。唼字所狹反。次復次下。約諸教中二。先且約別教。次問下。重料簡前之三教對圓教辨。初文又五。初出舊解不同。次此不下斥。三當

撰述

清華正義釋卷第十一

一一一

是下略判。四若見下辨非。五今明下結正。初二如文。第三文者。明其附傍通教小乘三藏意亦似共地菩薩意也。四辨非中二先明舊判見不應前盡。次若思下。明舊判思不應前盡。初文三初略舉過次地持下引證。三第九下叙地特意結難。次明思盡非中又三。初略斥次何者。下引華嚴釋。三若七地下重斥。初如文引華嚴中二初引次此是下釋出經意。此中爲消界外同體見思故須於界外更立三界。若不然者此與二乘所斷何別。旣分內外見思名同是故須立思分三界。從五塵爲名故例如欲界從定地爲名故例

80

1 2 3 4 5 6 7 8 9

100 1 2 3 4 5 6 7 8 9

撰述

法華經疏卷第十一

次第之意。非是諸教超果之義。亦非通方圓頓之道。
大章第四。明功用中二先釋名。次理雖下正釋。釋中
二。先凡位功用。次聖位功用。初文又二。初略。明外凡
內凡位。次涅槃下。寄此通辨四依位。四依位者。以此
四人竝能化他。故以此位釋於因人功用。若論今文
應徧因果四依義。具如大經第六委釋。於中四先略
述經意。次人師下。明舊判失旨。三地前下。且依古人
出別判位。四若推圓下。今家準別及於始終以立圓
位。次明聖位中四。初略舉。次若暨下。明功用意三譬。
四初住下。釋相。又爲三。初明。初住位。次如是下。明二

住去至等覺位。三論其下。明妙覺位。初文從初住去
乃至作十界像等者。若權教中三藏佛。但云八相。八
中皆劣。別教教道。望證猶劣。今是圓教。證道八相。具
如華嚴云。或有見佛種種說法。或見在於兜率天上。
或見來下處於母胎。或見初生。或見出家。或見成道。
或見轉法輪。或見入涅槃。皆言或者。一一相中。皆八
相。故次文中。初通明功用深廣。次徧如是下約境現
身及倒後位。以論功用。後文可見。大章第五判麤妙
中二標釋。釋中二初略判。次又三藏下格位判。初文
二。初一往先。明藏通麤而別圓妙。次而別下重明。別

攝述

法華經疏卷第十一

十一

教麤而圓教妙。初意者。且言通緣實相。亦遙寄證以說。若論教道中理。則有但不但異。是故不可判之爲妙。爲是義故。復更重判。從帶不帶異故。帶麤卽教道故也。方便等言。竝望實說。故成行拙。次格位中三。初以藏通格圓。次以別格圓。三是知下結歸。初文意者。以藏通因果之位。望於圓家。但至似位。一一皆云有齊有劣者。惑盡處齊。觀行聞教是。則爲劣。亦以佛位格者爲順教道故也。次以別格圓爲二。先格地前。次格登地。於中二初正格大何者。下釋所以於中又三。初正釋。次若與下約與奪釋齊不齊。不齊故劣是故。

須格三。故知下判。判中又二。初約位判。次以我下約因果判。初文三法譬合。次約因果者。既以我因爲汝之果。當知果權。權故爲龕。當知下結。始從小草終至于此。一一皆以當知下結斥權位。三結歸又二法譬。譬法好堅樹者。大論第十問諸佛功德。無能勝者。一切天地誰可爲尊。梵王答曰。佛爲無上。無過佛者。佛亦天眼觀於十方。無如佛者。心自念言。我行般若。今得作佛是我所尊。卽是我師。我當供養尊事于法。譬如一樹名曰好堅。在地百年。枝葉具足。一日出生高於百丈。是樹出已。欲求大樹。以蔭於身。是時樹神語。

撰述

法華經疏卷第十一

十一

好堅言。一切世間無大汝者諸樹皆在汝之蔭中。佛亦如是無量阿僧祇劫在菩薩地中。一日於菩提樹下坐金剛座得成佛道無能過上。論譬極果今取一日超百丈邊以譬初住八相作佛作佛義同故得借用。大章第六明位與中一往一辨四教次第而不辨五時次第興者略耳。所以不明者既知四教則知五時諸教與意如華嚴二興鹿苑一興乃至法華一興各有所以是故不論。於中先問次答答中三先列機緣四悉不同次列赴機十六種說三爲是下結列赴機中云界內界外事理惑者或無事理隨人生解解

有巧拙故分事理理有權實分界內外若卽理說惑謂惑爲理若離理說惑謂惑爲事故分內外成於四種大章第七明位廢中二先總敘意次正明廢初文者具明諸教展轉漸廢故作此說若至法華一切權廢是故此中不全同法華次正釋中二先敘破立之意次正明廢初文者則廢三存一初廢二中三一先明如來破立之意次明龍樹破立之意三明今師破立之意初文者雖復五時增減不同本意祇爲破三存一故云如來破立意也具如教興迭興至小如是漸廢唯存一極次文中云毗曇婆沙明菩薩義等者

標題

法華經疏卷第十一

十一

且對衍門存三廢。一廣如止觀第三記。三明今師破立之意。又二先破次而圓下。立初又二先破次往者下明破立意。初文又三初破大乘不立小失。次常途下破小乘師謬用大失。三又別下單破別教執非實教失初如又次文中二初總破棄小用大。次此有下直破其謬用之失。三縱令下縱難其不識大乘謬用之失。初文者汝棄小用大沒佛小乘爲大方便。又汝若不伏不曉論文自有菩薩義何須用大故以二失破之汝若不嫌論主不解何須棄之三縱中云縱令引經釋大乘者破舊引經不識義旨是故須破是故

斥云何等大乘汝雖引八地破無明而不知是通教下根被接之義當通始終不破無明通義不成是故須破汝引六地以齊羅漢而不知是名別義通別義初地卽破無明何得六地始齊羅漢是故須破次單破別教言別是方便等者執別教道不信頓極名爲謗實次破立意者豈以古師人往而存其非義是故須破次立一實中二先立次謙退卽章安歎師法妙而自謙也初立文中云超三權者約廢權說卽一實者約開權說次正明廢中二先結前生後次正明廢於中二初總叙漸頓三法四果次釋釋中三初列經

撰述

卷之二

二

次述今意三正釋初如文次明今意且置頓論漸者若欲論頓有何不可但明迭興迭謝之相恐文稍煩故且置之以論於漸問前文明興以對於廢今文明廢復對於興二門何別非煩長耶答前明興者若不論廢無由得興雖復相對意在於興今文明廢若不假興何以明廢雖復相對意在於廢於正釋中四教爲四初三藏中二先釋次爲此下結初又二先約菩薩次約二乘初約菩薩中五先更述初立三藏次教云下明初立意三欲求下明須廢四即便下明廢相欲廢必須先破故也五本望下明廢意次二乘文少

望菩薩意可知次結可見次明通中爲二初正釋次此通下辨共不共初又爲三先菩薩次佛三二乘初菩薩又爲三初總述廢立意次立通下明廢意三智者下正明廢相初如文次文言立通者若成四悉卽以見真名爲教足三正明廢相者通真諦中旣含不空故但真諦仍爲未極是故責云那得恒住於空利根菩薩卽見不空見不空已佛智尚廢何況三乘以彼教中不云彼佛破無明故今破無明是故通云通教則廢次菩薩下明通佛果廢者菩薩之因旣廢佛果豈存次明共不共中四初雙標次分別三故知下

辨失四通教下判廢不廢。方便聲聞有發心義是故論廢不共。菩薩得於不空此得卽見理是故不廢。次明別教中三先述立別次若破下正明廢三此隨下明廢意又二初地前全廢次地上但廢高歸下次明圓教中四初直明不廢次大經下明不廢意三昔從下明不廢之意四文云下引證初如文次文云大經一切江河悉有迴曲等者第十經中佛說偈云一切江河必有迴曲一切叢林必有樹木一切女人必懷詣曲一切自在必受安樂文殊難云是義不然於此大千有洲名拘耶尼其洲有河端直不曲名娑婆耶猶如直繩直入西海如此直河佛未曾說種種金銀琉璃寶樹是亦名林亦有女人善持禁戒功德成就有大慈悲釋梵諸天雖得自在悉皆無常今以迴曲及叢林等以譬有餘金沙河等以譬無餘次釋三法又三初立所行不廢次明三乘須廢三重述所行不廢次釋四果中二初正辨四果次以教行等例更分別初約四果又二先釋次結釋中約四果以論三廢一不廢此中言果卽是羅漢前明二乘卽指三果等前言二乘但是通舉意論聲聞故今別語更加支佛前言菩薩茲是方便位中如通教人但在六地已前

撰述

法華經疏卷第十三

十一

藏別準此若言四佛者則聲聞菩薩竝不須用如向會通此中言破化城等者且語二乘二乘既破兩佛教果亦破別教或廢聖人賢或廢高歸下令同成一佛果故也次若從下結文可知次明三有廢不廢等中又二先三一對辨次又教下教行等對辨初又二先釋次寄此且畊判開初又二先約教次以行智等例初又二先廢不廢次立不立初文二先標次釋言從得道夜至泥洹夜乃至初教何曾廢者初後俱集故知不廢況結集已畠被末代故知卽是成前逗後旣結集在文當知法華教興此教仍須逗後通別俱

爾據法華則廢據教存則不廢次立不立中有立不立卽指小機以對華嚴若至法華無不立義故云亦立不立也言中間可知者始謂華嚴終謂法華中間三味竝有得入佛慧之義名之爲立但鹿苑密入餘教顯入鹿苑密入通大小人餘味顯入唯在於大若餘味小人於彼密入義同鹿苑次約行智等略例中所言諸者亦須一三相望如前所說故不復論次判開中二先約五味判次但說下開初如文次但說下爲二初開成於圓教行位三皆不廢次無量義下更重敘施又三初正畊次成道下引證三相傳下釋疑

撰述

卷之二

十一

疑云經但言餘爲七十一爲七十九是故引證言相傳云佛七十二說法華者唯菩提流支法界性論云但成道後四十二年說法華經論非佛說故云相傳法華但云四十餘年不的云二者教法被物所見不同是故從容次別約教行等者於中爲二初正釋次問答釋疑初又五初以教對行位爲四句分別次約廢不廢等教行位三四句分別四又廢教下單約教以廢聞相對爲四句分別五又廢位下單約於位廢入相脩相對爲四句分別一一四句中皆先列次釋初教對位對爲四句分別一一四句中皆先列次釋初教對位

行中言俱廢者既指菩薩當知前之二句竝指二乘二乘於法華前亦有密悟故三藏菩薩於法華前顯密俱得第四句者教所錄行必畱被後通有二乘望前二藏義類可見若約別教但不須言生果及以密悟餘者竝同何者初句應云廢教道之教也行位若至初地已上卽成法界何須廢耶行位廢者接入後教教逗後人俱廢者初心便轉俱不廢者亦逗後人次四句中言利根者竝是菩薩初心卽轉鈍根二乘久住方便言合者共也次聞教四句中言如廢者舉三藏菩薩爲語端耳應通歷三教第二句四教菩薩

竝須闕之。或是初心退墮者耳。第三句亦須歷諸教。第四句亦通諸菩薩不必在密。次廢智四句中。初句者亦通三菩薩。次不廢智更脩智中云。又次第習者是也者。凡云廢者。若法華前或廢權位入權入實。廢權入實。廢高歸下。若次第脩習者。從初發心本擬次第自淺階深。何待廢淺而入深也。第三句者。三教菩薩闕之。亦據法華前故引方等文意證也。言逗後者人雖不脩更須逗後第四句者。四教初心竝有此義。且約三藏事相便耳。通教至如此者。通有三乘是故科簡全同三藏別唯菩薩故前明廢教不更聞教。此

句全闕今不廢位而更入位句闕二乘邊由此別教次第入位其義可然大章第八明開者前諸興廢竝約法華前教既對一實以明三權卽對法華以爲判竟是故直明於開故云可得如前次卽三下顯今經意於中三先述開意次開生死下正明開三若決下將所開與本妙比決初文中所以不言廢者以廢義與開義大同已如前與止觀記中簡竟又恐人不曉相待中意便謂麤外別有於妙。是故據理復須明開又若不論待無以明絕若明待已卽指所待是於能絕能絕亦絕方名爲絕具如前說次正開中二初通

撰述

卷之二

十一

開初心次別開諸位初又二先通舉開義次歷圓教諸位入妙不同初又二初開凡夫未發之心次開諸教博地初心初文者凡夫之心必有於發理體妙故次開諸教者諸教始終雖各有體狀而同在初心一類凡下故今開之令此四初與圓初心所觀之理無二無別次歷圓教諸位入妙不同者卽有按位進入二妙問此之二妙何者爲勝答互有強弱若論當位即是卽按位爲勝若據聞教能超卽進入爲勝以在本位未知是妙待入圓已方乃知妙故成少劣以進入功深是故復勝次別開者具應四教三藏菩薩居

初者義同凡故開三藏去皆云置毒者不同不定音時置毒今方毒發今法華經非不定教但是卽座聞於開權能破無明義同毒發諸位不同稍似不定故借置毒殺人之言三比決中二先結前次舉譬譬中二先譬次合譬中云小國大臣等者前之三教名爲小國教主已下皆名爲臣臣中高位名之爲大兩教羅漢及通九地別教十住開入圓教名爲來朝茲失羅漢及地住等次位之名名失本位雖預行伍等者如何羅漢按位入圓雖預六根行伍位次比於本從圓隨喜來乃成限外空位菩薩故云空官此據初入

撰述

卷之二

十一

作如此說。久聞觀轉惑破行成還同舊位行伍之限。
 若圓大國凡夫小臣名名字佛故曰憑寄。脅者脊也。
 說文云骨也。祇是全以身心寄託佛境耳。能觀色心
 即是法性故名憑寄佛法界也。未入品位不能益他。
 名爵未高乃爲九界之所敬貴。次合中二先合。次况
 合中初從諸教去略合也。初合小國大臣從圓去合
 大國小臣大章第九引經中二初叙來意。次正引中
 二先正引次諸經下以法華意結成初文。又二初四
 教次不定祕密。初文又二初正引次前四下明引經
 之意。初文自四初三藏二先引次料簡先引中二先

引次何者下釋。又二初正引次故釋論下引證羅漢
 同佛次通教中二前引次釋釋中二初釋次辨異。次
 別教中二先引次釋次圓教中二先引次釋釋中二
 先釋次圓信下辨異中三法譬合可見次明引經意
 中前引三教者意明教教皆有醍醐醍醐不同故明
 所以於中又三先說意次示四教醍醐位別三前兩
 下判初如文次文二先示四教次縷珞下引證圓教
 三判中二先判次以是下結判次不定祕密者以此
 兩教義理相濫若順五時爲次第者名不定意。若不
 堪顯露教中爲次第者須祕密說。若別明者已如前

文第一卷中今不煩文故相兼說於中又二初先列五味次釋釋中二先標次一通下釋中兩意先舉兩意次釋中教行兩意相脩而釋歷頓漸教故義之如教一一教中隨行淺深毒發不定故名約行深得此意可與論斯教行顯密不定之相一科之文兼含意廣明過去雖聞若不探蹟當時入位隨聞遠近多少生熟行之淺深故藉今生重聞方發於中先通釋兩意次若衆生下正明發相又二初正明發相次若有行人下判二妙初文具歷頓漸以明發相初華嚴次四教所以不云方等般若者部總教別總別互攝別

義易明故且依之以諸教中具五味故故得約之於圓教中前文不引五味今爲明不定須約位列之又前兩教二乘之人以法華前無發心義雖復不定此人必須來至法華故法華前教須明祕密次判二妙中二先進入次按位中復引文可見次以法華意結歸爲三初明諸經不具次明法華方具三次第下釋二妙相次第入者謂法華前轉成熟蘇開麤入者謂法華會隨位卽妙菩薩容有二乘的無各有二意準例可知次大章第十明妙位始終中二初略叙來意次正釋初文三初明無差次良由下明有差三約此

80 1 2 3 4 5 6 7 8 9

100

1 2 3 4 5 6 7 8 9

100

撰述

法華經疏卷第十一

十一

下明無差而差差而不差及不二相次引文正釋中
 二初引方便品次引分別功德品初文又二初正明
 次如此下明所乘不同初又二初引似位之始終次
 明真位之始終初文又二先引文次釋初引文中二
 先舉不知次正明能知卽似位始終五品始六根終
 釋中亦且釋不知等其所以顯不知是故所除
 卽似位也次初開下真位始終次明所乘中二先所
 乘不同次所行不同初文四初略標次乘有下釋三
 范言下釋乘所至不同四初心下正明圓乘三相不
 同五品乘教至六根六根乘行至初住初住乘證至

妙覺初初心下前標我圓教下結下一亦爾次復次
 下明所行不同者復舉別教以明未終次圓教中有
 本迹二門共方始終以迹門中但入初住故也本門
 方至餘一生在故又如下引分別品委明始終又二
 初正引次將前下略指前文經中所列從八至四今
 具列之次文言將前列位中引法華等者指此卷初
 十門釋圓位中第二明位數門廣引此經分別功德
 品等文是也○五三法妙中二初來意釋名次正釋
 初文二初正明來意次言三下釋名次正釋中二初
 列章次解釋釋中文自爲七七章次第者初言總者

80 1 2 3 4 5 6 7 8 9

100 1 2 3 4 5 6 7 8 9

110 1 2 3 4 5 6 7 8 9

謂唯一妙無復差別。機宜不純開總出別。卽約教也。教門不同次判麤妙。判意在開開已純妙。妙必始終。妙軌徧攝故有類通總以悉檀料簡諸意。初文總者爲五。初標列次結意三經曰下引教釋意四故大經下引證解釋五前明下攝前四妙又二先攝同次若然下釋疑又二先疑次重說下釋釋又二先大師次章安初大師釋文自三義第三義中三先略述本末次從性下歷位三自成下總結自成者自從因以至果化他者位位有之次私謂下章安釋言一句卽三句等者又二先釋次此諸下結意初文者前文大師

自釋云三不定三三而論一等今出私解重牒前意稱讚前義名圓佛乘異於偏教菩薩乘也言記中者指大師釋是章安記郤指下文歷別三法藏卽是事從事出事之文也私謂乃是再治定時方有此語記中已有故得郤指下文記中方便諸乘旣茲從於藏句開出故云別也此私釋中三句各出一方便乘故云通也次結意中云於一佛乘分別說三者此有通別若以道場思方便時分別說三是則別指三藏三乘從頓已後赴鹿苑說若通論者諸漸皆從圓頓開出卽是從頓開藏通別今此三句皆屬於圓故云從

撰述

卷之二

十一

圓開出也。次別三法者爲二。先總明開合。次約教別
明。初總中爲二。先總論開合大意。次佛從下別開出
方便乘。又六。先徵。次如大經下引經示相。三何者下
釋其開相。四又依經下引證五例下引例六以是下
結意。前三如文四引證中二初引經證者福是事法
故事屬藏。斥同有爲次引定力者驗是福德以諸摧
乘從藏開出。故二乘之人卽是有爲。五例中二先舉
能例次今以下所例此引界內意以例界外驗二乘
人是有爲等。故云以下例上旣非中道名爲福德。別
教地前竝未見中。故知竝從藏中開出六以是下結

中二先正結。釋次例結。初正結如前次亦是下例結
中云分別說五等者前三乘上更加人天離兩二乘
爲七。離三菩薩爲九。謂藏通別三菩薩也。若止觀中
則方便乘九念處者卽除人天開別地前三十心位
以爲三人。以人天乘無念處故。若言九人生方便土
者除六度苦薩加圓六根三藏菩薩不斷惑故。圓教
六根未生實報。又九種醫九種土等。九名雖同。九義
各別。次約教中初標次釋。釋中自四初三藏中二先
明三乘三軌。次此教下明教意於中明所詮所至興
廢。真不能運是所詮故所以索車。言真不能運者藏

80 1 2 3 4 5 6 7 8 9

100

1 2 3 4 5 6 7 8 9

100 1 2 3 4 5 6 7 8 9

通二乘證偏真理。當教理極故不名運。運是載義亦名爲遠易云。日月運行謂動也。說文云。陸載曰。運小果旣極故非運義。言索車者長者先於火宅門外許諸子云汝等出來吾爲汝等造作此車旣非本有故云造作。諸子出已不見果車皆詣父所而白父言願賜我等三種寶車卽索義也。下文廣明三乘索義云。下文別教中不云索者據後證道仍是實乘故不須索若據教道通皆須索故云不退菩薩亦不能知次通教中亦二先明三軌中不分三乘異者大同小異故不須分從此教下明教意具如三藏尋之次明

別教中三先正明三軌次引攝大乘辨非三若能下結示初文二先正明次引證解釋次文者先列釋次斥又二初總次何者下別又爲六初明不融之相次是則下判三元夫下明教意四此語下今家誠示五又阿黎下重斥判六若執下誠勸初二可知三元夫去至一途等者破別教教道及明立教道之意於中先叙諸經論意次明龍樹意同竝先用空遣蕩相着後方分別歷別法門當知前空亦空無明無明尚空豈存諸計無沒含藏種子耶又此文中從先以無常去至於四德此寄如來漸教示離執之方此寄漸文

兼具兩意。一約酪等四時。二約藏等四教。細類上下亦應可見。從淨諸法已去。正示滅後說法之人。亦應先蕩諸相看已後還用於自他四句爲他說法。四今家誠示中云。如除病去重更舉喻。從那得去責其計者。汝未遣着何得妄計阿黎耶識出一切法從本之去。判其有惑故惑猶存。新惑更重。從故知去判屬界外。仍非界外通方法門。故云一途於彼界外尚是一途。何得界內博地執靜六誠勸中云。語見者依教語而起見不入真道。又云多哈兒蘇等者大經第四。四相品云有一女人乳養嬰兒來詣佛。所有所顧念。心

自思惟在一面坐爾時世尊知而故問汝以愛念多哈兒蘇不知籌量消與不消。爾時女人卽白佛言甚奇世尊善知我心。惟願世尊爲我少說。我於今朝多哈兒蘇恐將不消佛言汝兒所食尋卽消化更增壽命。女人聞已心大歡喜。疏云凡養嬰兒哈蘇傷多尚恐天命況復餘食。女人譬慈。嬰兒譬信。乳養譬聞法。哈蘇譬讚歎生喜。喜多尚妨於道。況復癡怒。今以蘇多譬生語見故與喜貪義同。依實起見尚損慧命。況於偏乘而生取着故。大經第八云無礙智甘露所謂大乘典。如是大乘典亦名雜毒藥。如蘇醍醐等。及以

撰述

卷之二

世一

諸石蜜服消成甘露不消成毒藥方等亦如是智者爲甘露愚不知佛性服之成毒藥次明圓教中二先正釋次是名下結成乘意初文又三先略釋三法次若迷下明三障三法身下辨體用初文又二初釋次三法下融通初文中言圓乘體者皆須從初因以至於果因果所取名爲乘體前之二教雖卽同有真性觀照能照所照但依權理別教教道又以地前緣脩方便而爲乘體故前三教所明乘體皆不至極未極息教是故索車圓教乘體從始至終而非始終是故達到乘義猶在故以真性始終不動而爲車體故此

車體非運而運次融通中三法譬合次若迷下明三障障於三法於中又四初正明三障以障三軌次若卽下明破障顯軌三真性下結顯三軌以成三德因此兩下結成能嚴所嚴三辨大車體用中二先法次引譬證次結教意中二先以人顯所乘次無字下明乘之所至於中又二先立疑徵起次若自下釋疑又二先以運義釋乘次復次下有運不運釋乘初文又二先略釋次故文云下引證又三法譬合次文者又二初略立次融通又二先融通次引例釋前圓乘不二言轉不轉皆跋致者大論七十七發趣品云轉二

乘心入菩薩位第一義中一相尚無故無所轉無菩薩位此約三乘理性不當轉與不轉今亦約理而爲體用理體無退故皆跋致動不動皆毘尼者人天毘尼名爲不動無漏毘尼名之爲動雖世出世皆名毘尼若約理論無動不動故約理性無非毘尼皆具足有一心十戒故也故圓教乘無發不發皆名爲乘然此四教各具三軌非但深淺不同亦乃乘體誠異以諸乘體不同故也所以藏別兩教咸以智慧爲體通圓兩教咸以真性爲體者良以體爲所乘未可暫廢以藏別真性果滿方成儻指體在當以何爲運若用

觀照則從始至終故通圓居因卽事論性卽事之性果位乃窮是故兩教真爲乘體又前之兩教通雖稍優竝不知常置而不說別雖同證教道全權故苦破之令同證道圓雖理極尚有始終恐世濫行故須委辨是故廣以因果自他類例等釋乘義不息方名實乘若得此意別顯一科義猶指掌如迷此者自行何依禿乘雖闕莊校車體猶存忽昧斯旨乘何而去能乘所至一切都廢是則以火宅爲寶渚必爲所燒指煩惑爲能乘義須領覆

法華玄義釋籤卷第十一

撰述

乘門

朴齋序

乘門者。意限鰐一持。尋節。詳掌喉。卷也。香自首。而
樂是對。貴以因果。自歸。頭的。等。聲來。義不息。大名實
之令同。蓋能圓雖。雖尚有缺。然恐世。蓋。首姑。真委
割。並不咲。常置而不驚。限雖同。蓋。尊。首全。對。吉。如
果。立。以。舉。是。姑。兩。恭。真。為。乘。雖。又。前。之。兩。恭。並。雖。當
體。照。限。資。缺。至。然。姑。極。圓。且。因。唱。事。論。哲。唱。事。之。坐。

法華玄義釋籤卷第十二

天台沙門湛然述

三判麤妙中二。先約四教。次約五味。先約四教中二。
卽三麤一妙。前三爲三。初三藏中爲四。初明三相。次
既是下明教意。三不見下引證四半字下判決。初又
二。初總明三法。次四念下明三法所至。言半字者。大
經第五云。譬如長者。唯有一子。心常憶念。憐愛無已。
將詣師所。欲令受業。懼不速成。尋便將還。以愛念故。
晝夜殷勤。教其半字。而不教誨。毗伽羅論力未堪。故
言半字者。謂九部經。毗伽羅論者。謂方等典。此以理

80 1 2 3 4 5 6 7 8 9

100

1 2 3 4 5 6 7 8 9

100

等名方等典。非謂生蘇調斥方等次通教中二先明三法次判初文者二先總明次乾慧下明所至次別教中三初明三法次緣修下明教意三若爾下判初文亦二初總明三法次十信下明三法所至次明圓教中二先正釋次故瓦官下以現事驗初又二初正釋三法次明所至初又二初正釋次祇點如來藏爲廣下以大車釋成初文又二先正釋次祇點下融通初文約實相以論二者正明卽體論用故也更融通者恐未了者二義猶別是故三法展轉相融此中四句初句空藏爲實第四句實爲空藏中間二句但云

空爲藏藏爲空此語猶略貴在得意若具足存中間兩句應云空爲藏實藏實爲空藏爲空實爲藏則成三對六句也次以車體用釋成中二初明體中融卽次又點下明與具度融卽車體卽是理性卽也具度卽是對修明卽初文三對初祇點下明體有用故高廣次二對明體用相卽初對者明用卽是體故非高非廣次對者明體卽用故是高是廣然第三對不殊初對爲對第二以明第三故初對中云祇點者體卽藏空明體高廣細等此意同異可見言如來藏者具如占察下卷末文次攝具度者卽大車之具度

故不異也。則止觀中正助合行其意可見於中二。先釋次以不思議結不異。次明三法所至中二先釋次引證釋中三法展轉至於妙覺。餘教不然。是故妙也。以我之因爲汝之果。故三竝非妙。次事驗中。凡是大師妙會諸處。指斥他師。護時人情。故云有人耳五味可知。四明開中三初總標次釋三從人天下結釋中意者。以初句開人天。次句開別教。第三句開藏通。一文之中三皆先引經立相。次明過失三正爲開。初引經明理妙。彼執者不知。故皆斥有過至法華竝開無不歸妙。從此是下明過中云。而其家大小都無知者。

者。大經第八如來性品貧女譬中引金藏喻如止觀第一記已具引文。今更略消喻義。其家者五陰也。陰有佛性而大小不知。古人多釋有云四果爲大。凡夫爲小。論人云菩薩爲大。聲聞爲小。章安云人天爲小析空二乘爲大。析空二乘爲小。體空二乘爲大。但空二乘爲小。但空菩薩爲大。但空菩薩爲小。出假菩薩爲大。如是大小皆悉不知。別教雖知帶教道故。故教屬權。第二句開中又加三譬以顯開相言定不定者。定是緣修。計定能顯理。不定謂真修能破定計。以真修望於緣修亦有二義。譬中云如輪王能破安者。輪

撰述

法華文句釋卷第十一

十一

寶威伏如破。十善化世如安。今亦如是徧。一切法爲破。亦無能破。名安又除暗如破生物。如安除癡養珠。準此可見。第三句次失中言三五等乘者。第二句既已開別。故知此中但開藏通則三五等。但約兩教。次結文可知。故知方便諸乘皆悉不知無始藏理。一心三法。故各於一法少分起計。竝謂究竟。今如來善巧方便。種種調熟。還示衆生本有覺藏。使大小咸知。昔覆今顯。名之爲開。今文大小之言。雖復寄在初句文中。如章安釋意通後句。卽其意也。五始終者爲二。初總標來意。次何者。下正釋釋中爲二。初汎約一界。次

今但下局一念十界。卽是一念十如三道。於中爲四。初以三道性相體等爲理性。三軌於中。又三標。釋結釋中。三道各有法譬等具。如初文釋衆生法中。但今文中初明三道節。十如中相性體。三爲欲別。釋三道相狀。故一一道各云性相無體字者。但是文略。尋之可見。次夫有心下結中。有二。初正結。次引證。證云儔者類也。謂業苦也。次以力作因緣爲修得三軌。三如是果報爲究竟三軌。四明本末。究竟又二。初言等者。等前三種。性卽是理。修得如文。彰顯祇是究竟。今不云究竟者。義通初住。次亦是下三諦等。可見前文。明

撰述

位之始終則約凡位一始終聖位一始終今明三法始終故須始凡夫一念終在彰顯聖位所以立此門者前雖開顯猶恐不了者謂以開發爲三法始故須重明祇緣始在於凡故凡位可開凡無三法何所論開故不動凡夫三法而成聖人究竟三法爲是義故復立此門勸勿自鄙六明類通中二標釋釋中五初明來意次列三諸三法下明十條意四生起十條五正釋十條初文二初正明次何者下釋以一三法從始至終故名爲豎以一三法通會諸三故名爲橫餘三望三立得爲橫若言赴緣名異則一一三皆可自

爲橫豎三釋十條意如文四三道下復生起十條若望名異意同雖一一至極此據圓理理體不殊若據現名不無差別故以十條共爲始終始自所化極迷終至能化入滅復一一條中皆約六卽故若離若合橫豎該深五正釋中自爲十條初三道中二先正釋次結位釋中先總對次別釋釋中自三一一文中皆先釋次引證等下去九三文句大同雖有小異大意可見言妙句者諸法從本下明理妙於諸過去下聞名妙對三識釋中二先總對次釋初文者三識同在理心教門權說且立遠近言庵摩羅是第九本理無

撰述

二二

染以對真性阿黎耶是第八無沒無明無明之性卽是智性故對般若末那識卽是第七執持藏識所持諸法卽此執持名爲資成以助藏識持諸法故第六但能分別諸法故與第七同爲資成是故今文不論第六若準唯識論轉於八識以成四智又束四智以成三身者則轉第八爲大圓鏡智轉第七爲平等性智轉第六爲妙觀察智轉五識爲成所作智大圓鏡智成法身平等性智成報身成所作智成化身妙觀察智偏於三身此中不取第九乃是教道一途屬對不與今同何者彼居位果三身仍別此在因位三身

互融卽此三身祇是三德三德據內三身約外今從初心常觀三德故與彼義不可雷同從若地人下正釋爲三初明互執成諍次從今例下引例和諍中二先引近事次正例中二先釋次引論證初文中云言轉依者轉於染依而依於淨是故在染則種子依於黎耶在淨則轉於能依以成第九當知黎耶不離染淨三正釋中引今經醉人譬者醉如無明故譬黎耶從世間狂惑去偏涉六塵故云遊行卽是六七故譬末那珠是真性故譬第九三佛性中指常不輕中爲正因此之正因亦可爲性德三因今望緣了種子故

但云正。若十二十乃至三十譬三佛性者。此三十子通宅内外疏文且據能出宅邊以譬三乘各有十智故云三十今以諸子各具三性故以譬之。三般若中釋中先總對及指前三正釋餘如文。三菩提釋中先對師位釋。次對弟子位釋。次三大乘中釋中三先約師位自行次舍利下約弟子位自行。三於一下約師位化他初師位中二先引經。次釋得謂證得隨謂因果理謂理性言又舍利弗以本願故至得乘隨乘者說法屬智故是隨乘由是證得故是得乘故願說三兼於二義於一佛乘爲理分別說三爲隨意亦同前。

歷七位者五十爲五等妙爲七不論名字但以五品爲假名者名字非位乃至但論信等七位非是正位故也。次三身釋中又二先列釋七文次三軌下引文總釋前七初文二前二他經後五此經此竝數句之內三身具足應身卽水月者諸水非一故報身爲天月者自受用報非多故也。次總釋中二先略結次正對對中云從方等生者翻名解義如止觀第二文次釋三涅槃中先破古次釋破古中三先述古次今以下出正解三若將下破次正釋中二先略對次正釋於中二先今經次大經初今經中性淨一釋圓及方

撰述

法華經疏卷第十一

三

便兩義者。以性通本迹故也。圓及方便中先明本迹。兩圓次數數下明兩方便準例亦應云歷七位。但是文略。次三寶釋中二先引他二經。次今經二文各三寶義足思益中云知離名法者法體離染故知無名僧者僧體無淨故。次明三德釋中二先總對雖但別對已當總對次別對釋釋中二先釋會次破古中二先總斥次唯知下別破以彼經一乘與此經佛性對破古人初言二經義合者大經及此經大經調伏衆生名爲解脫此經數數現生爲調衆生是故義同餘二德可見碌碌者多石貌也亦凡石也次別破中三

先破佛性。次又涅槃下破總名三但涅槃下明經宗別八千聲聞至記崩者大經第九云是經出世如彼果實多所饒益安樂衆生能令衆生見如來性如八千聲聞於法華中得授記崩成大果實如秋收冬藏更無所作一闡提輩於諸佛法無所營作疏中古有一解一云經悞應云八千卽持品中八千聲聞得記者是二云外國有八千人三云若定應云八十年章安云後二解不可次破總名中云安置諸子祕密藏中如止觀第二記此三涅槃中所以對古師苦破者以人多執招過非輕故苦破之令歸正轍如前釋衆

生法及止觀十如亦皆破者意在此也。如諸文中每至別教破地攝師者執教道故意亦如之此十三法同是今經三軌之器類故此之十條散在他部諸大乘經今經始終無不具足故一一三中皆引經文爲釋。况此十條不出因果今文祇是一乘因果故耳。又十條中所以菩提三身及三涅槃具引本迹餘文唯迹者一以本中文狹二以本果已成故取菩提三身涅槃證義便故道識性三全在凡夫般若通因本因文總但云我本行菩薩道乘通事理及以因果故三寶者本地旣有佛寶必有餘二三德可知文雖存沒。

義必兼具次四悉料簡中先問次答答中二初述意次正釋初文又四初總明用四悉次隨俗下別明用相三朝三下明用四悉意四善巧下結歎初二如文三明意中言苦塗水洗者大經第八云譬如女人生育一子嬰孩得病是女愁惱求覓良醫良醫旣至合三種藥蘇乳石蜜與之令服因告女人兒服藥已且莫與乳須藥消已方乃與之是時女人卽以苦味用塗其乳語其兒言我乳毒塗不可復觸其兒渴乏欲得母乳聞乳毒氣便捨遠去其藥消已母乃洗乳喚子與之是時小兒雖復渴乏先聞毒氣是故不來母

復告言爲汝服藥故以毒塗汝藥旣消我已洗竟汝便可來飲乳無苦其兒聞已漸漸還飲經合譬意譬無我等猶如毒塗說如來藏如喚子飲或時說我或說無我皆爲適機如彼塗洗次正釋中二先舉章門次釋釋中又二初以四悉釋此十條次明妙不妙初文二謂初後後文中言上下而無縱等者上下是縱義雖一點在上不同點水之縱三德亦爾雖法身本有不同別教爲惑所覆表裏是橫義雖二點居下不同烈火之橫三德亦爾雖二德脩成不同別人理體具足而不相收次文者爲二初料簡次結位初又二

初判次開初文三初略立二諦以判四悉則真妙俗麤次約化城寶渚以判三約五時教判初文又二初判次料簡初判中以三悉與第一義相對者順大論文仍成別義故大論云諸經多說三悉檀今欲說第二義故說是摩訶般若波羅蜜經通論皆四具如諸文次若然下料簡中二先問次今言下答次若不下決開結位如文問此中初以四悉料簡十條則一條無非四悉次判四悉妙與不妙乃云三麤一妙應當三法亦麤亦妙耶答若約不思議中亦得論妙不妙如三德中若前三悉檀說之義當於麤謂三德爲

世界解脫生善般若破惡是故爲麤若見法身方始
名妙三德既爾餘九亦然若爾何故次又云三悉至
化城耶答此約大論文皆以小乘爲三悉對般若爲
第一義故作此簡若依此義今文唯在第一義也故
下決中云三悉不決皆名爲麤然取通途則今文竝
約不思議論四悉判不思議三法真俗相卽而論旣
以中道爲第一義豈以中道而隔真俗半如意珠者
迹十妙中以釋五竟十法共成如意珠法言珠法者
祇是妙法十中居半故云半如意珠若大經十三卽
以羅刹半偈名爲半珠彼經半偈詮於半教今之半
珠卽是全珠何者自行因果已滿是故今文以自望
他闡化他邊名爲半珠○六釋感應妙中二先來意
次開章解釋來意又三初判前五妙次境妙下果滿
得名三果智下正明感應來意由果滿故由機扣故
初文云上四妙爲因者位妙若立實通因果爲對三
法且從因說次文爲二先釋次引證初釋文言境妙
究竟滿名毗盧遮那等者前行妙初已融會此境智
行三三而論一一而論三及境等三各自具三等具
如止觀第二卷末指歸中文一德具三三各具三等
今且從於理事合說以境智行而對三身次引證中

云稽首智度無子佛者。大論文初歸敬偈云。智度
大道佛善來。智度大道佛窮底。智度相義佛無礙。
稽首智度無子佛。古人論音云。言無子者有四義。
不同。一者無等。一切衆生無與佛等。二云無礙。佛是
法王。於法自在。三云無子。復有二義。一者就理。佛能
體悟無生真理。名爲無子。二者就事。如來生死種子
已盡。故名無子。四者無子亦有二義。一者般若。名爲
佛母。母有七子。謂佛菩薩及辟支佛并四果人。卽此
七中佛最居長。故云無子。二者無明蔽中。無有智慧。
種子。故云無子。今文中用第三第四。二無子義。果智

究竟感應義足。三正。明來意中。且依本業縷珞云等。
覺照寂妙。覺寂照間。前明境妙。以證得爲無諦。前明
智妙。二十智中訖至妙覺。前明行妙。次第五行訖至
初地。不次第行。亦至六根。若明位妙。始終具足。向明
三法辨。始終中始從凡心。一念十界。終至究竟是三
法果。今初何得斷云四因一果答。一家釋義稍異。今
古。若得文大旨。則不曠元由。若隨文生解。則前後雜
亂。前之三妙。若離而言之。唯境屬於理。故解依於理。
依解。故起行。行之所階。則有諸位。若至初住。名隨分
果。則分證三法。證三法已隨機起應。此則以智道。行

至初住位。又教所譚須論始末此則具如生起中意。
若從合明。具如行妙初說若相由者不明妙行境智
行三。此三各三。三九祇是一而論三次歷六卽以至
於果皆開權顯實成妙感應今從此義故云四法爲
因。若從別說當妙高深自是一意。次開章別釋中二
列釋釋中初釋名自二初列次釋釋中初釋名又二
先總立名者謂感應通論次別釋者謂感應二字各
具三義初文者如勝鬘經勝鬘夫人是未利之女未
利及王旣信佛已以書與女女得書已卽對使者而
說偈言

仰惟佛世尊 普爲世間出 亦應愍我等 速來
至此處 卽生此念時佛於空中現卽是雙明感應
二義若得此意例應可知次別釋中今先明機三義
者爲二先明用機爲名例知緣感次機有下正釋機
名言如等有可發等者衆生如等宿因如機佛如射
者應如發之益如箭中善機者大經十八云我觀衆
生不觀老少中年貧富時節日月星宿工巧下賤童
僕婢使唯觀衆生有善心者卽便慈念料簡中問意
者由前帖釋中云宜生理善卽第一義故今問云爲
人名生善理事俱是善何意於理善而稱第一義答

意者理明是理善理暗是理惡故理之善惡其性雖相傾若理善生時理惡必定滅無有先惡滅方始理善生若事中善惡其性亦相傾善生之時未必惡滅惡滅之時未必善生故於生善以分事理理善卽屬第一義義事中善惡善生卽屬爲人義也惡滅卽屬對治義也理惡卽滅理善卽生故於生善以分二悉滅惡唯得立一對治惡無先滅故不分二衆生得事等者衆生得卽理之事聖人得卽事之理聖人知卽衆生不知又聖人得於因果化他感應等事衆生但得非因非果迷中之理又衆生在因聖人居果問爲

用法應等者此一問答爲欲生起機應之相約理雖卽不當應與不應約事必有應與非應法應應俱皆應故得法應俱名應由此與機相對辨致成三十六機應次相中二先正釋次廣問答料簡初又二先標次釋釋中先略舉機應兩相次釋釋中先機次應機中二先徵起次釋釋中有三不言去取應中亦然初機者惡爲機中言七子者大經十八釋月愛中云譬如有人而有七子是七子中一子遇病父母之心非不平等然於病子心則偏重章安云或以七方便根性爲七子謂人天二乘三教菩薩是七子中有起

過者心則偏重。如來不爲無爲衆生者亦第十八經有爲是惡故惡爲機又無記是無明者若分三性卽立無記今立機緣且對善惡無記雖非身口行惡能覆理善亦屬惡攝卽屬惡機現雖是惡乘於宿種故得爲機相帶爲機中二先判次正釋初文中云唯有
一髮者大經三十一迦葉菩薩問佛一闡提者終無善法是故名爲一闡提耶佛言如是又問一切衆生有三種善所謂三世一闡提輩亦不能斷未來善法云何佛言斷諸善法名一闡提耶佛言滅有二種一現在滅二者現在障於未來闡提具二故作是說佛

言善男子譬如有人沒在圊廁唯有一髮毛頭未沒雖復一髮不能升身闡提亦爾未來善法不能救於地獄之苦未來之世雖即可救現在之世無如之何以佛性故則可得救佛性非三世故佛性不斷今意亦爾於現在世雖有正因不可救故不成機緣善惡相帶爲機者初從闡提起改悔心此舉極惡以帶微善上至等覺一品無明此舉極善以帶微惡準望前釋極善唯在佛極惡唯闡提一旣非機故以闡提改悔等覺無明卽是相帶名之爲機若爾何故前明單善單惡今復重疊相帶爲機答前單明者據強偏說

相帶明者據理實說。經雖偏說非不相帶。四悉順物作偏說耳。以義推之。必須相帶。下釋慈悲爲應義者。若偏若帶準此可知。慈善根力者。如大經十四梵行品提婆達多令阿闍世放護財醉象欲害如來及諸弟子。爾時蹋殺無量衆生。象聞血氣狂醉倍常見我翼從被服赤色謂呼是血復來奔趣我弟子中未離欲者。四散馳走城中人民謂我終歿。調達歡喜快哉。適願我於爾時卽入慈定舒手示之。卽於五指出五師子。是象見已而生怖畏失大小便投身禮我善男子。我於爾時手指實不出五師子。慈善根力令彼調

伏。乃至五百羣賊得法眼等廣如經說。乃至如請觀音現身作餓鬼等。如前第四卷引論云水銀和真金等者出菩提流支法界性論。次料簡中有五問答。初問答明三世機應。問如文答中二先通答機應之由。次別答機應之相初意中言以四悉力隨順衆生者至理實無三世善惡約事說故三世咸有但隨衆生四悉機緣宜作何世善惡而說何世善惡而堪遇聖惡善惡各有三世。初善中二釋證初文三初文中言五方便者。四念爲一并四善根。四念雖有總別不同。

80123456789

100

123456789

祇是四念停心治障方便義疎故且云五。又如無漏無習因等者此舉無漏例未來善如證無漏習果已滿現無善因亦能感佛如阿羅漢根敗之士在方等座感佛彈訶以有未來一乘善故無漏根敗尚能感佛況諸凡夫根未敗者故引大論池華爲喻已生如往善始生如現善未生如當善遇應如得日次期惡中言又未來之惡與時相值者緣合名時故求聖力助遮當惡此三世惡竝有可發是故聖救次應中亦如機中應先期有應之意謂四悉也文無者略又亦應如機中慈悲各說及引文證等文亦從略次別答

中但語機邊亦應論應若別論者以現在爲應何者過去已過未來未具若爾機應差舛何名主對答機生未來之善感佛之時還名現在故今且從機一邊說耳次問中言若未來善爲機四正勤意云何者四勤中已生未生皆可令生如何但云未來爲正若準正勤應云已生善爲機如溉甘果哉未生善爲機如鑽木出火已生惡爲機猶如除毒蛇未生惡爲機如預防流水答意者機分通別通則通於三世如四正勤別則唯在未來如前所說雖在未來功由過現是故過現以爲機者本爲未來生善滅惡是故四正勤

80 1 2 3 4 5 6 7 8 9

100

1 2 3 4 5 6 7 8 9

中言雖過去等者。文中雖云已生善惡意令此善未來增長意令此惡未來除滅故云也。又如救火已燒正燒皆不可救。救正燒者本爲未燒次問答者爲離性計初問如文次答中二先破次無性故下立初中作四句者若四計者先破性已然後方可點空說四是故感應各有四句。感四句者謂衆生自能感由應故能感。感應和合故有感離。應離感故有感應四句者謂諸佛自能應由生故有應。感應和合故有應離應離感故有應是故機應各以三假四句破竟方以世諦四悉四說立中二初通立能所次而能下別判。

出能所又二先判次若更下誠勸言若更番疊等者。若從應爲言卽以應爲能以感爲所若從感爲言則以感爲能以應爲所故以義推從感爲名亦有能所從應爲名亦有能所是故不可以能所爲名應以生佛定之使能所不亂若但以能所爲名節節更立能所之號則爲生佛之上更立生佛世諦則亂故須且依今文爲定次問答可見三不同中四先標名次列章三但衆生下敘不同意四今略下釋釋不同自三先四句中三先列次釋三若解下結感應益意釋中自四皆先標次釋三結釋中句句皆先機次應言如

80123456789

100

123456789

撰述

須達長跪者大經二十七佛在王舍須達爾時爲兒
聘婦入王舍城夜宿長者珊瑚那舍因見長者忽忽
辨供因問其故乃知有佛尋見如來請佛至彼如來
許竟須達及與舍利弗同往經營精舍七日成立所
設已訖卽執香爐向王舍城遙作是言所作已辦唯
願如來慈悲憐愍爲衆生故受是住處我知彼心卽
與大衆發王舍城至舍衛國祇陀園林須達精舍月
蓋曲躬者如止觀第二記三疇結益意中若冥若顯
俱名爲應不可以凡目不覩故而言無應此墮自性
及無因過於中爲四初勸其自勵以生善次若見下

勸信因果以息惡三若不解下勸解四意知不棄其
功四釋論下引論文證須解四意二釋三十六句中
二初指前四句略舉機應各有冥顯以成四句次若
具足下機應各列一十六句先列次結先列中二先
列根本四句次十六句初文三先列四句次冥是下
略列四相三如佛下引事證相但證未來一句餘如
前文機應相中故略耳機中云非冥非顯者非過去
之冥非現在之顯故也問應中非冥非顯與冥何別
答玆是法身益物然冥益者不見不聞而覺而知若
非冥非顯不見不聞不覺不知次機旣下應中不列

80123456789

100

123456789

撰述

根本直列一十六句。據機中自列根本應中含有。但是文略次結中云三十六句者。若準此取前文四句爲根本。若取機中四句。更列應中四句。卽應四十句。三就十界中云就自行旣爾化他亦然者。自行化他俱能感佛故也。若分善惡自他俱有生善滅惡是故善惡益得爲機言。交互者。且約自行如地獄中有九界機。乃至佛界亦復如是。問下下法界有上上機。如地獄中有九界機。鬼中有八畜中有七乃至菩薩有佛界機。此則可爾。如何佛界有九界機。菩薩有八乃至鬼中有一耶。答所言機者可發爲義。發有近遠。是

故不同。若下有上機。則通因果所謂下果求於上果亦可下。因發於上。因若上有下機。則唯在果所謂下果求於上果亦可下。果發於上。因如佛界機在地獄者。謂雖發心求於佛果。破戒墮獄於彼可發成地獄機。餘入準此。若爾與地獄界有佛機緣有何差別。答衆生無始未會出界。不妨無始有出界種。然於十界重重交互不可具知。且據一往約多分說。若佛界心強已名佛界。益在九界則名佛界有九界機。若已墮九界則名九界有佛界機。如惡業深重本是地獄。名地獄界。曾聞一句可爲佛因。聖人亦以冥顯應之是。

撰述

法華經疏卷第十二

三

名地獄有佛界機未堪頓入漸漸誘之故用八界以爲方便則爲地獄有八界機故知下有上機與上有下機其相有異上下既爾中間交互準說可知故應一界皆具九界若約化他義分凡聖凡位但約觀行相似交互說化聖位則界界之身能爲十法界化間約四句說以論機應已兼三世何故更約三世說耶答二世之上更加三世故得更論乃成九世論交互也故華嚴中十種三世九世爲九更加三世說平等以爲十種大縷珞中亦明九世是故今文重約三世次相對中三先標章次列四文三釋釋中二先釋四

意次料簡初又四先釋初文二先總述次地獄下正釋釋中且約地獄餘二十四略而不云下機關及三十六句亦然至第四意方始例出二十四有今正釋又二先釋次是爲下結釋中二先竝列次釋釋中先機次應應中有標列釋釋中機則先惡次善應則先悲次慈望前二十五三昧中四意略無諸有過患及結行成何者此中旣明機應卽行已成故須更明本法功德機中復加善者欲明機徧故前但明過患者且從惡邊次機關相對中機中善惡各有三義應中慈悲亦各三義以慈對善以悲對惡各各以微對

撰述

赴以關對對以宜對應下善惡中具足應云卽假塵
沙卽中無覩文無者略次三十六機對三十六應者
以三十六句中句句皆有一機一應故得機應各三
十六如一顯機以對四應雖同是顯從所對應四義
不同故成四別餘句例此又一一機中各具善四惡
四各具微等三義應中若慈若悲各各皆以赴等三
義應彼善惡各四中三若冥若顯機應皆然今且從
總爲三十六況復如前約於三業三世十界及以一
念等別若三業之中更開善惡微赴等別則無量無
邊不可數知所以文中先約苦樂相對次以機關次

三十六恐雜亂故知此意已方可將此入前四句三
十六句及十法界則可知矣次別圓相對中亦先總
標次若歷別下正釋釋中先釋次簡初文先釋一有
次例餘有此言別圓不同者此約教證兩道得作此
說如地獄有破一品惑餘二十四有亦一分破豈有
地獄無嘲究竟名爲了了餘有未盡名不了了耶故
知且順教道說耳若約證道地卽是住故知不別次
料簡中先問頗有善機惡應等者意不異前隨無方
問故有此異是故還以無方之答故引經云或作地
水及火風等如大經云云何名爲不施一錢而得名

爲大施檀越佛言不飲酒肉施以酒肉不服華香施以華香如是施者無一文之費而得名爲大施檀越如是施者施名流布此等竝是答無方之間之流例也三菩薩應爲妻子者謂妙莊嚴王淨藏淨眼應爲二子光照菩薩應爲夫人廣如疏第十卷拔樂與苦者假使有問既有圓機感於偏應乃是機應不相主對亦應拔樂而與於苦此舉例者如拔人天之樂與變易苦拔涅槃樂與入假苦拔分別樂與實報苦或拔淺樂示現與苦如大經第四云又復示現於閻浮提疾病劫起饑饉刀兵亦復如是又爲說法令其安

住無上菩提次明麤妙者判前不同相對二門名相餘之二門通於麤妙故不須判又此二門中但判十界者四句三十六句及相對中二竝攝在十界中判以十界有優劣餘無故也於中先標次列章三解釋中準前諸文亦可以開列爲一門今隨文便於此列之亦如明位中以開寄在圓位門中列之但從義正分章無定就釋中二先判麤妙次結初文二先機次應機中二先地獄次餘九例初文先判麤妙中三初立具十次阿鼻下釋疑三卽判下正判獄中十界則九麤一妙次麤機下辨機生熟召應不同先麤次妙

撰述

慈童女緣如止觀第五記。發菩提心名爲妙機。未入六根名爲淺熟。不至方便有餘。但近在於欲界天耳。次判應中二。先總論應。次約教辨判。初文二。先辨因果。次若無下舉非顯是。初文二。先因果次引證。由慈悲熏爲因。故果時能爾。次文二。先非。次是正明應相。次約教中四教及別接通所以不言接別等者。意如止觀初藏通中三。先判次譬三何者。下釋所以言譬。如圖寫經記乃成者。譬藏通神通皆是作意。如圖畫寫像經始記錄爾。乃成就不同鏡像住運相似。同水月徧應諸器別圓法譬可知。亦約證道同故合說。

次開者又二。先單約機應。次約五味經初文開前機應中九界之麤同爲佛界之妙。若佛界中生亦名妙。若餘九界熟亦名麤。又四趣中妙機近熟亦名爲妙。麤機遠熟亦名爲麤。次開前諸麤應中亦約教道須開兩教佛應然但言諸經及以華嚴對無量義與今經者。華嚴之後漸教竝在無量義中所指者是。是故從略不須復叙。次無量與今經中又二先無量義次今經又三。初法說次譬如下譬。三此卽下開合意。若識此意則知草木生之與滅不離於地二草二木具如第三經合譬中。人天爲小草。二乘爲中草。三藏

菩薩爲上草。通教菩薩爲小樹。別教菩薩爲大樹。此乃藏通二教。二乘合說。名爲中草。若作七方便名。開人天爲一。二乘爲二。三菩薩依本各爲一。此開合之義。隨機不同。不可一準。觀心感應妙者。境如感智。如應境智。和合卽感應道交。具如止觀。煩惱境中諸法。般若三十六句。智照於境。一十六句。如四應赴機。境發於智。一十六句。如四機感應。中一切智。如冥道種智。如顯兩智。共爲亦冥亦顯。一切種智。如非冥非顯。機中真境。如冥俗境。如顯兩境。如亦冥亦顯。第一義。如非冥非顯。境之與智。不出色心。色心淨故。般若

亦淨。色心祇是三業。三業爲境。用智觀之。是故亦可對前二業機應。又三諦之境。不出十界。界必交互。及以自他。故亦對前十界自他。故知觀心感應義足。

法華玄義釋籤卷第十二

校讎

法華玄義釋籤卷第十二

天台沙門湛然述

次明神通中標列釋。前諸文中竝立來意一門。但寄在文前。明之今則別列。言次第者。次前文來故云次第。卽來意異名也。於中爲三。初舉前生後。次略示後文之相。三上辨下。正明次前有此文來。初文二。初舉前。次若正論下。生後。次示後文相中。二。初列次普門下釋。釋中二。初引普門證。次遊於下釋經意。初明普門品。但有二文兼得三意者。經文先問次答。問中具三答文。但二問云。觀世音菩薩云何遊此娑婆世界。

問身也。云何而爲衆生說法問口也。方便之力其事云何。問意也。答中句句但舉身口以兼於意。應以聲聞身答身也。而爲說法答口也。既有身口必兼於意。或將應以兩字卽是意也。善達機緣故云應以次文。又二初約身口表意。次又化下從多少以論。初又二謂法譬。譬又三謂譬合結。次文又爲三先正論多少。次引證三正辨多用身口。一切聖教但多有此二相故也。又爲四先釋二身二鼓次此是下明身口所由。三若示下明所兼之意。四亦是下舉二行以釋二身二鼓。初文中言藥樹王身者則示可畏破惡之形。如

大經第二十九菩薩品云。譬如藥樹名曰樹王。於諸藥中最爲殊勝能滅諸病。樹不作念若取枝葉及皮身等雖不作念能愈諸病。涅槃亦爾。云如意珠王身者示爲可愛生善之形。如大品第十云。如摩尼珠所在住處一切非人不得其便。其珠看身暗中得明熱時得涼寒時得溫。若在水中隨物現色。毒鼓者大經云。譬如有人以諸毒藥用塗大鼓於大衆中擊令出聲聞者皆死。此譬說於破惡法也。如止觀第五記天鼓者如忉利天所有妙鼓隨天心念出種種聲。此譬說於生善法也。次意者雖現身口皆由意慈第三

撰述

法華經疏卷第十三

三

意者覩身口相則知意業。今且引大經經從說邊故名爲語。今文略語以證於意。謂隨自意等語必待意故也。隨自如珠如天隨他如藥如毒二行對上亦應可見。次正明次第中二先法說次譬況先舉小譬次小尚下以小況大謂妙感應也。鴉鵠鳴者鴉鵠小鵠也。西京雜記云乾鵠鳴者則行人至亦可作准。今時書本多作乾字。次名數中四列數釋名次第虛實後二寄名數中辨耳。初如文釋名中雖三文不同義意不別地持云神謂難測知者易云陰陽不測謂之神非佛教意神通不同者具如文列。凡夫外道及四教

也。三教如文略釋六通如止觀第七記彼文並是發宿習通也。復有生得通如鬼畜等有報得通如諸天等有脩得通如諸聲聞及諸外道。三藏菩薩通教出假等脩得又四若三藏二乘以無漏心依根本禪若諸外道以有漏心依根本禪通教二乘同通菩薩亦以無漏依根本禪別教菩薩初依根本用無漏心次依界外恆沙三昧後依實相發得妙通圓教初住初心雖別發得義同又約六卽六根清淨相似發得初住已上分真發得妙覺一位究竟發得今此文中卽分真發既從圓位已後起應現通故知正是發得通

也。故大經二十二云通有二種。一內二外。外謂與外道共。內復有二。一者二乘。二者菩薩。菩薩脩行大般涅槃所得神通。不與小共。故知卽是別圓菩薩。如上得通也。前言十四變化者。初禪二。謂初禪初禪化。初禪次界化。二禪三。三禪四。四禪五。準初禪說。可以意得。具如法界次第委釋圓教文相稍廣者。用今經意以餘文助釋。於中又二。先廣釋。次料簡。初文中二。先出不同。次然下申。今經以六根爲通之意。餘經不明者。今經最廣。故知應用六根爲通於中二。光明意次。今云下釋初文中云。然經明鼻通最委悉者。一切諸

經。不明鼻通非究竟說。豈有諸根竝得神通而鼻舌獨無。唯有今經六根清淨於中。鼻根文最委悉。若華嚴。明十種六根亦是六根。皆有神通。但彼經在果。謂初住已去。當知住前亦有似發。華嚴又明十種神變。卽十通也。一衆生身。二佛刹。三供養。四音聲。五行願。六調伏。七成就。八菩提九說法。十住持。次釋中二。先明所依次文云下。出通相。初言無記化。如止觀第一記。次釋通相中二。先且約眼根略釋。次見有下判。真似初文三初略引此經。次借毗曇自爾之言。彼論在小。此中在大。自爾名同意義各別。自爾祇是自然。

之異名耳。言毗曇云六入殊勝者皆有通用故云殊勝。自爾之名通於大小。且引證大然小乘中於一切法立因緣已。皆云自爾如青葉紅華非染使然故云自爾通亦如是。但是得禪自爾有通雖是作意卽是諸禪自爾力也。小乘尚爾何況大乘故今借小以證於大三引央掘具如止觀第七記及第七文次判真似中借華嚴意對辨之也。言內外身通者此是真如鏡淨任運能照以能照外現十界像故外像現內也有此二用故分內外論其實體內外不二次料簡中言三根增減者此引大論四十文云鼻舌身三者但

引彼論云有增減若對六根與今不同意云論文許有增減何妨今經眼鼻身三數劣餘三是故引論以例今經故云若例此義餘如疏說於中三先例不同次引正法華證等三復引今經證互用次明麤妙中二先判次開初判中二先通叙變化所作不同次正釋初文三初立次引證三若應同正報下各辨不同次正釋中二先正次依依正各二先教次味初先正報約教中二先釋次如是下結初文祇是十界不同而四趣合人天合二乘合菩薩離尋意可見黑髮纏身者餓鬼狀出大論盥者古煩反洗也澡也滌也通

論諸洗皆名爲盥。若別論者洗手曰盥。洗足曰洗。洗音銑。洗頭曰沐。洗身曰浴。規圓矩方。次若得下。約五味中二。先四味。次今經又三。先總判是妙。次別示妙相。三總示妙相。初如文。次文中。云地淨表理妙。光表智者境也。地既不能持能生。爲諸法本故。表理妙。光表智者。光處二眉之間。故可表於中道智妙。三昧表行者首楞嚴定。正當妙行。風表乘者。風行於空而實非空。不異於空。乘乘實相乘。非實相而不異實相。地動表神通者。地本不動。而能現動。實體非通。而依實現通。次應同依報中二。先重判所屬兩意不同。次今且下。

正釋初文者。論其正報尚乃亦可生佛相攝。但衆生唯理諸佛事成。故一切衆生悉皆攝在佛境界中。況所依土本是諸佛所化之境。如世王土土必屬王。而萬姓所居各謂自得。其實王爲萬姓以治國。萬姓歸王而立家。是故以慈以忠更互相攝。彼此相望而從王義強。今爲分於機應義異。前從機說。故云且從。況諸佛寂理。神無方所。所依寂境。號常寂光。是故砂石七珍隨生所感。若依此意復由生造。是故從之。以立土爲機。次正釋中爲二。初釋初意。次若作下第二意。初文爲三。初引大論總列。次若戒下釋所以。三淨穢。

80 1 2 3 4 5 6 7 8 9

10

11

12

13

14

15

16

17

18

下結歸初文二。初列次皆由下結示次文者。然乘戒四句文在大經具如止觀第二記淨名疏初委釋今且從略直對聲聞菩薩而爲緩急之乘。直對淨土穢土而爲緩急之戒者爲以大槩攝諸土徧故也。於一土若欲委明應隨諸教及三品戒各各對之爲上中下具如止觀第四卷中所言乘緩亦急者初開三後顯一卽初緩後急也亦是中間具有諸乘緩急四句依大經第六大無量壽經呼安樂爲安養大論二十八云有佛土說一乘純菩薩也有佛土雜如彌陀也多菩薩僧少聲聞僧若大論中明安養國非三

界者祇是非此娑婆三界耳。若就彼土真有三界故無量壽經阿難白佛彼安養界旣無須彌切利諸天依何而住佛反質意者此夜摩等旣許依空何妨彼土阿難默領反質意者此夜摩等旣許依空何妨彼土四王已上依空而住具明土相復有多種共別不同如無動界雖是淨土猶有男女及須彌等此同居淨土旣其不同同居穢土亦應不等委明四土橫暨等相具如淨名佛國品疏此中大略示其綱紀以明神通現土不同若細分別乘戒緩急應分三觀一觀三品九品理觀細對三品事戒緩急以驗諸土聲聞菩

0 1 2 3 4 5 6 7 8 9 10 1 2 3 4 5 6 7 8 9 10

薩若純若雜廣尋經論以求其異知大小乘所被不同則不起此座而觀法界次明國土應第二意中二先標意以兩屬故故安若作之言次佛以下正釋中二先釋次判初釋中二釋結初中自六四趣人天四教如文一一文中皆言或淨或穢者教由乘種土籍戒淨故戒有緩急使土有淨穢故也既分菩薩四人不同應言上上品乃至下下品乘聲聞既分兩教二乘緩急亦四品不同一一皆言與無記禪合者無記是理慈悲是事事薰於理至理皆用故云合也若圓教脩無緣慈初心卽合但用有廣狹耳如是下結次

今將下判也通約依正者前正報文約教之中直列而已未判麤妙故今合判於中又二初約教次約五味初約教又二約教判者別教卽約教道也次約無記化判者約證道也又二先正判次引經初文者但以形端醜判麤妙耳故不以多少廣狹判也言淨穢者如鏡任運現像有通有別通像如土別像如形通別皆有淨穢皆有麤妙是故山河爲通所照人面爲別所照故有通照端醜別照端醜合譬可知次引經次約五味中三初正約五味次又諸經下重約麤

妙難易轉判三。唯以一大事下約能所判麤妙難轉謂二乘易轉謂菩薩三能所中卽所麤能妙次又諸下開如文然此中神通之名通於深淺故前判教中四俱神通但有麤妙耳若準下眷屬妙中初乃別判以地前住前爲神通已上名應後料簡中亦通取之如妙音是神通來等今文通者以神通感應舉上之變用耳故與應色相例判之麤則俱麤妙則俱妙思之可見次說法妙中二標釋釋中二先明來意次正釋初文爲三初約說不說明來意爲其機熟者說云因緣次神通後明爲來意也前雖通叙二輪三輪傍

正正意但在身輪故神通預表當說法之先兆所以現瑞表於十妙前相若據行說則十妙之中說法爲說若從教言之則十妙俱教故序中所表表當說十妙故前爲二身今爲二鼓若滅惡生善通於偏圓而二身二鼓無不咸妙三演說下正明說意次正說中先列章次解釋釋中先略標釋名意次正釋名於中先出達磨鬱多羅釋達磨鬱多羅者此云法尚是阿羅漢佛滅度後八百年中於婆沙中取三百偈以爲一部名雜阿毘曇又撰增一集三十卷此義依彼此中章門初一至五增數列之第一法第二法乃

80 1 2 3 4 5 6 7 8 9

100

1 2 3 4 5 6 7 8 9

撰述

至第五五法初云體一者同是名句等也諸經皆然故爲一體相二者有於長行偈頌二種相故制名三者十二部中所制之名不出三義初言從字句者此之三部長行二頌祇是字句耳次言寄事得顯者謂所記是事所說是事結戒因事託事爲喻本生事本事事未曾有事相最易知論義者假往復事三從所表表理深故定名四者從喻從體從體事從事也授記無問自說論義體事合目者如授記經記是當體所記是事無問自說說是當體所說是事論義往復名爲當體所論是事不同二偈但是二種偈相而已

以無孤起重頌事故其中所說各別有事不得名爲孤起等事差別有五者一者九種脩多羅如文從通總至二偈言二偈亦在九中攝也又如分別至脩多羅去但是敷置說理之教屬脩多羅不同二部故對二部得此藏名彼云別教非今家別卽指大乘爲別小乘爲通二者偈陀四中初言阿閦婆等偈者且準俱舍明十六重後數前十五重者初從十增之至第十六重名矜羯羅初謂一十百千萬億兆京該梓欝構諫正載此卽前十五重也第十六矜羯羅第十七矜羯羅矜羯羅爲大矜羯羅第十八頻跋羅第十九

九頻跋羅頻跋羅爲大頻跋羅。第二十阿閻婆。第二十一阿閻婆。阿閻婆爲大阿閻婆。此第六經所列。即第十六第十八第二十也。言除脩多羅者除長行也。第三意中復除重頌。孤起方名爲偈。第四意者於孤起中復除十部相方名偈經。從通總來漸漸向狹。若前剛脩多羅則寬狹不定。祇夜二先標次頌意下釋。釋有三。初頌意。釋取所念法相方名祇夜中偈意。次若頌下釋餘部意。次頌事中亦簡郤餘九部中事外。方是祇夜中事。三頌言中亦簡九部之言。直說之言。方是祇夜之言。二偈同是偈頌。雖開爲兩同是偈中。

差別耳。授記有二。於中先釋名。次正釋大小二別。四者無間自說。二五方廣第六相攝應有多義文。但列四料簡全闕。次大師正標釋。先直標十二名。卽別名也。此標法名全依大論三十七文論文甚廣。次部者卽通名也。新譯名十二分教。恐濫部帙故也。經名亦通於中三。先略釋。次斥論師。三舉世經義以釋出世也。次釋十二部別名義者。言出三藏外者。卽簡小門三藏已盡。取衍門爲脩多羅。彼釋大品故作此說。況復今文釋法華耶。若如第一卷通途釋者。則不然。下去皆須在大。然文中釋義皆通大小。意在大也。授記

撰述

卷之三

十三

中雖言二乘人天。故知亦大又復通釋放光收光等以表記也。言躄入等者。躄入記畜生。勝入記鬼。臍入記人。胸入記天。口入記二乘。眉間入記菩薩頂。入記佛。脩羅既從鬼畜二道開出。今且略言從鬼故記勝臍中間入也。自說部中先舉自說無我所等者。且舉小耳。次卽云又如般若方等正明大也。從乃至已下。去。明通攝之相。乃兼婆羅門事。何但小乘耶。毘尼亦小。一切通大。況事毘尼本通於大譬中。亦然。先舉阿含次通一切言億耳者。生時耳上自然有環。評堪一億金錢。二十億耳者亦耳有環。堪二十億。故中阿含。

二十九云。佛在給孤。二十億耳。亦遊舍衛在暗林中。初夜後夜。學習不眠。精勤正住。脩習道品。於是億耳。安坐思惟。作是念言。佛弟子中精勤我最第一。不得解脫。我家大富不如。還家布施。脩福。佛知彼心。令比丘呼來。至已禮佛。郤坐一面。佛言汝實如向所念耶。答實爾。佛言我今問汝。隨汝意解。汝在家時。彈琴調絃。琴隨歌舞。音隨琴音耶。答如是。佛又言絃若緩。若急。有樂音耶。答曰。不也。調和有耶。答曰。有也。佛言極大精進。令心掉散。極不精進。令心懈怠。故當觀察時與非時。二十億耳。聞佛教已。於閒靜處。精勤脩習。得

阿羅漢果。大論三十三廣明。次釋本事中云。已說者本謂謝在於往。故云已說。一日等梵音輕重耳。言更有者大小部中復有此等本時之事耳。言爲說三因緣者。如大論三十三釋因目多伽云。如淨飯王。強令五百釋種出家。堪得道者將至舍婆提城。所以者何。未離欲故。若近親里恐其破戒。令身子等親教化之初夜後夜專精不寐。是故得道。得道已。佛還將至本國一切諸佛還本國時。與大會諸天俱至迦毘羅婆仙人林中去。迦毘羅婆城五十里。是諸釋種所遊戲園。此諸釋種比丘以精進故。以夜爲長。從林入城乞。

食。覺道路長。佛知其心。有師子來禮佛足。在一面住。佛以三因緣故說偈云。不寐夜長。疲極道長。愚生死長。莫知正道。佛告諸比丘。汝本在家時。放逸多睡。今精進故。覺夜爲長。本在家時。駕乘遊戲。今著衣持鉢。步行疲極。故路爲長。此師子。禪婆尸。佛時作婆羅門。見佛說法來至佛所。爾時大衆以聽法故。無共語者。卽生惡念。發惡罵言。此諸禪輩畜生。何異不別好。人不知言語。以是業故。從彼佛時乃至今日。九十一劫。常墮畜生。此人兩時。卽應得道。以愚癡故。自作如是長久生死。今於佛所。心清淨故。當得解脫。如是等。

經名因目多伽。次本生中云。咽脣肉貢猴子者。大論三十三釋本生經中。昔有菩薩曾爲師子。在林中住。與一獮猴共爲親友。獮猴以子寄於師子。時有鷲鳥飢行求食。值師子睡。取猴子去住於樹上。師子覺已。求覓猴子見鷲持去。在於樹上而告之言。我受獮猴寄託二子。讓之不謹。令汝得去。辜負言信。請從汝索我爲獸中王。汝爲鳥中王。貴勢同等。宜以相還。鷲言汝不知時。吾今飢乏。何論同異。師子知其叵得。因以利爪自爛其肉。以賀猴子。於疫病世爲赤目大魚者。出過去因果經。經文廣明疏中略辨。救於法溺者。大

論云。菩薩昔爲飛鳥。救諸法溺。諸商人等乃至溺水而心不退。法字乎。晉反。混流也。又救法溺者。如大論斥三藏中云。於大海中自刺。而令諸商人依之至岸等。毗佛略略字。大論云。來夜反。次分大小中二。初大小相望以論通別。次爲緣下。明通別意。初又三。初小九望大三。對十二爲通別。次有人言下。大九望小三。對十二爲通別。三有經言下。大一望小十一。對十二爲通別。初文中三。初略標三九別。次釋十二通小三。又涅槃下。明十二大小共初如文。次文又五。初明通小言。大空經者。阿含經中有大空經。經中廣明是老死誰

老死爲人法二空。如止觀第六記。次故涅槃下證通小意三大品下舉大品。況四有經下若通小故大小俱十二五。但是下釋三別在於大。則十二唯大。次故涅槃下十二通大者。大經既云先雖得聞十二部者竝指鹿苑。故知鹿苑亦有十二。如次文魔雖不能說頓十二部。故知亦能說權十二部也。亦爲二乘說小十二部。三大品下舉況魔說尚具十二。況小乘耶。四引一經據信者情不偏於九。則大小俱十二。按此下結言若信六部通大小乘。不信六部互不相通者。河西云脩多羅祇夜和伽羅優陀那伊帝目多伽優波西云脩多羅祇夜和伽羅優陀那伊帝目多伽優波

提舍此六顯現是故易信。餘六深隱是故不信。復有人云但信六部不信六部。不論深淺。今謂不然。將大小俱十二。望大小各九。各九是別各十二。是通各九之中緣喻事。三局在於小。廣問記三局在於大。餘之六部通於大小。此以通難別。故云既信六部通於大小。不信餘六。三唯在小。三唯在大。故云不信六部互通。此六若許通於大小。則成大小俱有十二。五正釋三九別中三。初先斤通義。次正立別。三何者下釋小無三。三明十二大小共可知。次大九望小三中二。先明大別在九。次通語下。明大通十二。三明一與

撰述

華嚴經疏卷第十三

十三

十一中二先別立十一。次若言下亦通具十二。言十二部者。大經十四云。又有說者。名十一部。菩薩純說大乘方等。第十九云。復有十一部經。除毘佛略。亦無如是甚深之義。次明通別意者。如上所說。一往赴機據理。應以通說爲正。故第一卷中。明一十六番。十二部也。通別之意。意在於斯。三明對緣者。以前大小對何等緣。若通若別。若不辨對。徒施法音。於中爲四。初辨法名有無。次次約十下。正明對緣之相。三前以下。剛所依四。雖復下。剛攝法。初文中二。先立生熟兩機。次若衆生下。剛機生。則無十二部名。於中又四。初正。

剛不立其名。次故天竺下。引例三。故地持下。引證四。若深下。汎剛出沒初。如文。次引例中三。一西方。次此方。三引權行大士法身。菩薩示爲世王。雖內善衆典必依迹立。不濫其蹤。次引證言。卽其義者。謂不濫用十二部名也。四出沒中用。則必得教意不然。所言深觀行者。雖暫用其名。而心恆達法相故也。次正明對緣中二。先通立大小兩機。次今總下。通列顯祕等教。於中先列兩種四教。次一者下釋兩四教。初言四緣者。兩種四教。所被不出四緣。四緣祇是藏等四教。人不見者。妄於顯祕等四。而生穿鑿使聞者。失途具如。

撰述

卷之三

三

第一卷中明之次釋中二先釋密等四教又二先明去取祕在大聖赴機今且置而不說若欲說之祇是口密赴四機緣令其彼彼互不相知即是其意顯祕雖異教不出四是故不論今且釋其三謂頓漸不定所言共者三顯一祕次正釋中言對四名漸者由頓後開漸漸涉三味故教成四具如第一卷及喻疑中辨若不深見一家門戶如何能辨此漸等四復更下文明藏等四彼此兩文更無差別但漸中合明增減不定向座異聞同名爲漸對機分四耳頓二亦然但指華嚴故云兩界不定但於頓漸二途稟益不等是

故名爲頓漸不定次二者下明藏等四且置頓與不定令識漸中四相分明復須除祕故云顯露祇是重分別前漸中所用四法之相故云更明此四中圓何曾異於頓中圓極復與法華圓義宛同而尚不及法華開顯妄生比決一何苦哉又藏等四中所言對界與頓等中文意少別何者彼頓等中通束於教以藏爲聲聞通爲緣覺別爲菩薩圓爲佛界故使爾也今藏等中離人爲界故藏三通四通真舍中以爲佛界故爾此以兩教佛界有教無人故置不說別對二者亦可存於佛界亦可且置佛果但以初地而爲佛界

耳。三明所依中。以依法性故。故能於彼雜類之身。說於如是不思議法。然又立此頓漸顯祕次第。必須八相佛形而說。言海滯研山者。如華嚴龍宮誦出象負西來此下本也。大本十三世界微塵數品。故知不可以海水毛端滯數。知其偈限。不可以研須彌爲墨書其文字。故知西來象負偈數能幾。四明攝法中。縱於雜類身中。所說以十二部收。亦無不罄盡。四明所詮者。既以能詮教。被所取機緣不同。教亦頑異。若不以所詮爲教體。與邪經外論。亦復何殊。故以所詮定之。知教有所離。所至功能有歸。所詮者何。所謂諸諦。

於中二。先叙意。次若說下。正明詮相。初文者。四教本中有四種意。一約四諦。二約三諦。三約二諦。四約一諦。一一意中皆具三義。一明所詮理。二明能詮教。三明所出經論。今此略用初之二意。能所合辨。從所標名故云詮意。不廣分別。故但云意耳。於正明相中。先明人天。次明出世。初文中云。人天教永不詮真。但詮思議之俗者。但是俗而非諦。望出世法屬俗諦攝。故云思議俗耳。次出世中。先漸次頓。而先明漸者隨便說之。應無他意。初言若爲漸者。以人天教非五時次第。故以三藏而爲漸初。初但說於無常苦等。故云正

詮思議之俗。雖通涅槃涅槃是小乘法性。若初詮法性。恐增邪倒。不能破於常等僻。故俗正真傍。無常少寬。卽正示真理。則無常幻化悉皆爲傍。是故次云真正俗傍。旣獲小果。正欲令其入真中道。傍以菩薩不思議真。兼帶而說。故云真正俗傍。言中後者此兼方等般若兩意。故方等中所得小果多因正詮思議之真。至般若中。卽不思議之傍正也。乃至去卽法華開權顯實真俗不二。故曰雙詮。若說頓教者。華嚴頓部正在圓真。兼申別俗。故云真正俗傍。不定教者或傍或正或俗或真。次約漸中四教者。言漸四者意旨如

前問漸初亦是三藏四教之初。亦是三藏。何故。前云初正詮思議之俗傍。詮思議之真。此中何故。云正詮思議之真。傍詮思議之俗答。前文爲成漸教之初。不分菩薩與二乘之別。故前文明二乘初心。但云俗正真傍。後旣約教分之。故開三藏以爲二段。以理而言。二處菩薩俱是俗正真傍。二處二乘俱是真正俗傍。以菩薩乘同於二乘初心故也。彼此通詮。是故不異。若約別教等者。初心即是信住二位中心。卽是行向二位。後心卽指初地已上。五明麤妙中有五。初列五名。五中初理次言與第三所詮何別。答。初言理者唯

撰述

卷之三

三

約所詮。次云言者唯約能詮。此二竝是跨節。明義是故但立一音一理。雖云麤妙義已當開第三所詮。卽當分義。一一教下自明所詮。仍判麤妙。以此異故與前二別。言五門者。卽約淨名中旃延五義。謂苦義空義無常義。無我義寂滅義。疏云。約理名五義。以智緣理名爲五行。約定明五門禪。此五爲衆行之旨。歸故四教四門各明五義。今文通說。且云五門由迦旃延爲諸比丘敷演三藏四門五義爲維摩詰通五義。詞故云諸法畢竟不生不滅。是無常義。故知諸法生滅但是無常非無常義。四句推此。生本無生滅亦非滅。

方得名爲無常之義。五受陰洞達空無所起。是苦義。諸法畢竟無所有。是空義。於我無我而不二。是無我義。法本不生。今則無滅。是寂滅義。餘例初句思之可知。問淨名彈斥旣斥。四枯應顯。四榮何故結句皆歸四枯。言是無常等義耶。答訶有漸頓。漸如旃延頓如空生應如涅槃。二鳥雙遊不得相離。是故今說真無常義。不離於常。故云不生不滅。是無常義。又若委論者。若說生滅。唯得結歸無常義。邊若說不生不滅。則結歸不定。若結歸無常。卽屬四枯。結歸於常。卽屬四榮。結歸非常。非無常。卽屬非枯非榮。下之四句準此。

撰述

卷之三

三

可知。若以教判。枯屬藏通。榮屬別教。雙非屬圓。以衍門中不生不滅義通故也。故今教教皆云五門意在於此。問餘文何不明五門義獨在此中。答餘門通用有何不可。此明能詮及以所詮立有麤妙。故須用之何者。淨名以通訶藏意在別圓。故且用於能詮妙所詮麤以訶旃延能所俱麤意在結歸非常非無常能所俱妙。一俗隨三真轉意亦如是。真祇有二別真猶帶教道。是故開之四衆經中爲二先迹。次本迹中又三初五味。次判三。又云昔下開此開且寄此中。明之於中又四法譬合證。初法中言如此兩意等者相待。

絕待也。初句云毀些聲聞卽正直捨方便相待意也。從又云已去開方便門。絕待意也。譬合如文第四引證中。言論云等者大論文證也。言祕密者非八教中之祕密。但是前所未說爲祕。開已無外爲密。次復有下。本門言在後者指第七卷。次就此經中初標次釋三結。四開釋中言因緣妙者發心爲因。聞法華經爲緣。又以結戒爲因緣者。以實相心離十惱亂。卽其意也。未曾有妙者獨放眉間光表於中道。餘經雖放未曾獨放。二眉間光皆兼足頂及面門等。故使所表各不同。三變土田者。土田梵云佛刹物所生處。名爲

0 1 2 3 4 5 6 7 8 9 10 1 2 3 4 5 6 7 8 9 10

土田。卽佛生處所也。亦是一切諸法之所生處。三變表三智破三惑餘竝如文四開者前雖因便義立於開此正當徧開之相。此中言理廣者其實通於十二部以廣經是理事隨於理理若開竟事無不開若列當文十二部已是開判竟更重明者但向引文直示十二相故以此十二對法華前諸教以論待絕故卽向所列是待絕十二部也然前五意雖在判麤妙中列之前二意明佛本意更無異途第三意卽是約四敎判第四意卽是約五味判至第五意方是正開判今經是妙第六欠觀心者應用觀心十二部經別有

小卷流行者是此說法五章中初釋名義通於大小故至第二方以九三一與十一約於通別而辨大小故前之二章但是能詮將此能詮於所被故有對緣由緣不同故所詮異所以第四更明所詮能被所被能詮所詮從始至終一期敎顯欲明所說所化麤妙復欲開此諸麤非麤故須第五判開共立方始顯於所說之法終訖具於待絕二妙又復此中雖辨所被所詮正意竝是以所顯能所被既純知能被妙所詮旣卽識能詮融是故前來悉皆屬敎如敎而觀故辨觀心一切敎中凡諸十二一心中具無俟他求是故

[撰述]

[法華經疏卷第十三]

[三]

須明觀心十二。○次明眷屬妙中。列章解釋於中。又五初總明次第。次譬如下。略釋眷屬名義。三行者下寄例以釋眷屬義也。四他土下明眷屬之由。對他土辨異。五昔敎下對麤辨妙。又初意是總明次第後四意是別明次第一。一莫不因說而生故次說後。而明眷屬。初文者次第祇是來意異名。說即指前說法妙也。次意者先義次名。如來如父母所說如遺體受者如攬此成身。如眷屬名中宿緣相關如性親愛。今日受道名爲臣屬所受如說能爲眷屬次例中意者戒定慧。如說弟子爲眷屬由中意者爲二。先正明由此。

土由說也。次故二萬下引證既云敎無上道及覆講法華故立從說。自大通已後種種調熟令入一乘故身子下重證眷屬也。言今日乃知真是佛子者。小乘中以菩薩爲似子。聲聞爲真子。大乘中以菩薩爲真子。聲聞爲似子。故身子於昔自謂爲真。今日乃知聲聞爲似。蒙佛開示方名真子。次麤妙者亦名今昔相對。昔指鹿苑三藏三乘對權。今日法華爲妙。言昔敎五人者。一頌迦。二跋提。三俱利太子。四釋摩男。五十力迦葉。具如疏釋。今又爲二。初正明對辨。次從聞下別明所生。又四。初總明三慧生。次從佛下別明三慧。

80 1 2 3 4 5 6 7 8 9

100

1 2 3 4 5 6 7 8 9

100 1 2 3 4 5 6 7 8 9

生三三慧下總結思脩竝因於聞故具列之四故次下結次文言法化爲思者受化故思脩故得分正。眞眷屬中標列釋。釋中初釋理性中三初眞理同次引證三結歸次業生下釋餘四眷屬又二初通約四教結緣成熟次別約四教釋四眷屬初文又四初眞結緣不同次若信下受道不同三結緣下眞成熟不同四雖復下結成眷屬初又二先立二類次釋二類初文云飲他毒藥失本心者忘本所受故曰失心從本化來迷真之後起無眞惑如飲毒藥背大化爲失心不失者下釋兩意初人大通佛所已結緣竟中間成

熟成頓眷屬次人久迷生死復須更結卽大通之後也次別約四教眞四眷屬中卽爲四文初三藏中二初釋三次辨無四初眞三眷屬爲三初眞業中爲五初今三藏下。眞垂三藏迹次往日下叙昔施化三緣未下眞今日相遇四眞受道不同五若不下眞此佛一段眷屬義絕初三如文言甘露初降者初轉四諦法輪也卽以教法名爲甘露初稟道益名爲服嘗。如大象捍羣者諸佛菩薩示入生死示與衆生共證解脫五佛子者四果及支佛且約示輔三藏佛生爲眷屬者若權若實俱云業生教門且爾言緣絕者且約

三藏一期而說。教中既不說有生處。故昔教中不復論生。跨節論之。生生不息。次願生中。其文簡略。大意如前業生中。說言願眷屬者。如論云。內諸眷屬。竝由宿願。又如帝釋發心。若太子於最後身成佛之時。願爲馬載太子出城。亦如大掣太子見阿周陀。阿周陀發願。若太子成佛。願爲神通弟子。卽目連是。餘皆例此。具在佛本行集於中爲三。初正明眷屬。次明受道不同。三眷屬義絕。意同業生。皆言傳付後佛者。如彌勒云。釋迦文佛種種訶責。無奈汝何。教植來緣。今得值我。此例可知。次神通者爲二。先正釋次料簡願通。

不同。初文爲二。初正明三藏通生。次三藏下。明以大乘意說有生。初文三先正明眷屬。次或爲下受益不同。三殘惑下。亦明緣絕。次以大乘意說神通眷屬界外。有生。次料簡中。云願通云何異者。由向釋云。或以願力。或以通力。旣於通中。而兼云願願之與通。有何同異。約自下答。又爲三。初略答自力及教不同。次約本處。有身無身。三約大小二教重辨。初文脩得報得總。明自報力也。約教名誓願者。大乘教門所說。名此神通。以爲誓願。誓願來者。昔稟佛教起於誓願佛。昔亦以大誓願攝。故世世相值爲熟。爲脫今佛生此誓。

撰述

卷之三

三

牽而來。故云約教。言通有誓扶等者。若三藏教。習不牽生。若正使盡無復生處。況三藏教。因則正習俱在。果則正習俱斷。故依通教及大乘實說。得有來生。次明通教三卷屬中爲二。初正明眷屬。次對辨應生。初言橫從他土來者。或在娑婆之外。俱有來義。娑婆內來此不須疑。故淨名云。從餘四天下來在會座。諸大乘經皆云。從十方來。次明別教四卷屬者。前之兩教。教無應身。故不論應圓教亦然。故先明教言如前者。如前別教。次問答料簡中真簡二教應身。有二問答。初問如文。答中自三列釋。釋熟他中爲六。●明能應。

次若得下。明於所化。辨能化功。三如華嚴下。引證能化。既云非生死者。卽應生也。四復次下。釋疑。五通結意。六約今經以判妙。初如文。次文者。所化入真。還同能化。三引證中二。先通引次摩耶下。別引人類四釋疑中四。先通釋。次何者下。舉例釋。三調達下。別引人類釋。四故華嚴下。以所得法門驗釋。初如文。仇亦怨也。法身如龍象。若作魔王。非二乘所堪言。調達是賓伽羅菩薩等者。故大經云。若提婆達多。實是惡人。墮阿鼻者。無有是處。今經授其當作佛記品後。又云。若有男子女人。聞是品者。淨心信敬。不生疑惑。不墮三

撰述

惡生十方佛前。豈五途人。有此聞品妙功德耶。餘竝如文六顯。昔麤今妙中云。諸餘經典。非不明此等者。非不明此内外眷屬。未若今經開權顯實。二自然中。卽述本二門意也。本門二文。下土此土。具如經文可見。言法身菩薩或從生身進道等者。如他方大士。或從釋迦生身佛邊聞法進道。或從法身者。如大論云。法身佛爲法身菩薩說法。此約界外得作此說。大論八十七問云。生身菩薩貪惜未除。割截則難。若無生忍。菩薩猶如化人。割截無痛。有何恩分。答。雖得無生行。亦爲難。何以得知。得無生已。應受寂滅無量快樂。

能捨此樂入生死中。受於種種下賤之身。生身菩薩著此法身故。慚望心施。非清淨施。是故不及無生忍者。是故無生忍菩薩方名大恩。故知生身法身仍須進道。爲進道故。聽法利物。具如分別功德品。無生忍去。是法身菩薩。自此已前至八世界。是生身菩薩。大論三十七廣明諸佛眷屬不同。三本緣中。二先略。明次若別下。更以通別兩釋。以簡本緣所言別者。四土對四類。若通說者可知。言未斷惑者。未斷無明。次問中。言娑羅林等者。大經云。如來至彼俱尸城中。欲入涅槃。師子吼菩薩問。如來何故離六大城。俱尸城現。

撰述

法華經疏卷第十三

三

我爲追逐諸外道故不住六城。我昔於餘處未名師子吼。今於此處娑羅林中大師子吼答文者從他方起通來非神通生此是法身發得神通名神通起應從他方來非起應生此言大誓願者昔結圓種今以圓熟故云大誓相關是大事不思議業相召不同結業牽生之類或有未破見思藉妙音力而得來者非大誓業亦是結業眷屬妙也此則自是一途若準前意竝以法身爲四眷屬方答前問故下結云願通來者亦能應來不言業者業濫實業故也下方聞聲者涌出中云爾時下方菩薩聞釋迦牟尼所說音聲從

下發來妙音見光者妙音中云爾時一切淨光莊嚴國中有一菩薩名曰妙音久已植衆德本得諸三昧釋迦牟尼佛光照其身卽白淨華宿王智佛言我往娑婆世界等三判麤妙中二先判次開初判爲二先約教次約味初教中二先正約四教次責偏部以顯妙初文二先三麤次一妙三麤中何但所化成麤亦乃能化非妙何者以機麤故致使化主現爲麤身乃至菩薩現麤眷屬而成熟之且從迹判故皆屬麤次此經妙者直引此經當教當部二義俱成故便引之文中自列三妙次文準義初文應云結緣妙次一切

撰述

法華經疏卷第十一

三

下釋前結緣方屬成熟。後文內外中間兼得業願通三言其於五欲無所復堪者以闇人譬助顯此意以色敗故五根亦敗以心敗故是故二乘菩提種斷次譬如下譬向三文元始謂結緣要終謂得度餘教豈無此事但教中不說故判爲麤次責偏中不破華嚴圓教但判部權而弘教者不曉故破其經師於中初責次故知下判麤妙初言如闇本根者如止觀第六記次判中二先略判次所謂下歷諸妙獨顯五味可知四明法門中三先分別次判三開初分別中三初列經文次若爾下徵起三若三藏下歷教分別教教

通用而義各異若善四教化主各從四種權實智生四教物機聞法生善各發弘誓誓境不同故令四人慈悲各異初念善心究竟果舍當分自別各不雜亂已心塵勞隨四智轉四四諦異故道品不同各開三脫四佛正覺若得此意此義自顯無俟委論至別教中別引無量義十住寶性等意若通上下亦應可見寶性論云等者以大乘信爲初生子此子卽以實智般若爲所懷母用首楞嚴以爲胎藏旣出生已必假大悲將護信心爲所養母至於初地方得分名如實子也闕父者卽以般若實智兼之言四種障苦薩能

撰述

卷三

治者亦可通於三教。菩薩首楞之名雖卽在大義可通用。此定本在別圓教中。南嶽隨自意等文亦以義通通於通教。唯三藏中無此名耳。然須分於能治相異。言無量法門至皆能生佛子者。生佛之子名生佛子。又佛卽是子。佛從法生故。佛是子。跨節則諸教法門皆從圓生。當分則各各自有無量法門。生當教佛果。次圓教中言自行三諦者。卽權而實故云三一。化他三諦者。卽實而權故云一三不分而分且作此說。結者結絲也。非此中意亦挂也。謂但挂諸經也。淮南子云飛鳥不動不結網羅。楚辭云心結而不解。今皆

開之。故云皆悉決了。餘文可見。次觀心眷屬中二。先列次釋。釋中二。先釋次。明事下寄此文後總明功能。初文三。先釋次判。三又決下。開初文自六前二文中二。釋結。釋二如文。次約教者。亦如止觀記兼引楞伽經。此中前後合七眷屬。此之七名各有通別。別在於七通名眷屬者。七皆於佛性自親愛莫不臣順。然別名中前一從理。次四從事。次一從法。次一從行。於所從中通局不等。初一名理俱通。後六名局義通。是故後六隨事別受名。故何者。業生名義亦通上下。事唯局凡所言通者。從有漏業乃至不可思議業故。業是

撰述

法華玄義釋籤卷第十三

二三

縛義界內界外諸相竝縛願生名通後二義復通前業通兼願正是業繫復由願牽是故從勝依願立名事亦局凡通非無願亦從勝立名亦通後事局小聖及以大賢不通於凡次應生名局義通小聖及以大賢或有應來通得名應事局大聖不通小賢次法門者名義乃通通於四效能化所化若師若弟若境若智事局出世不通於迷次觀心者名之與義通世出世前二愛見唯世間故然法門及以業願通應莫不觀心但爲隨事得名旣殊故以觀心別置科目又淨名所答正從理觀然亦未得觀心名者以對事立稱

觀道不專故立觀心唯對一境如是等義雖復分別未判未開前諸文中雖逐近略述未若文後總判總開故正釋後復立一門法門及觀在後復更自別開判

法華玄義釋籤卷第十三

撰述

問是立釋外更立一門去門又嫌耳餘事自是開未
解未開前首文中雖多表義神通妙未去支離據據
據直不專立釋小立釋一真取其義神通妙全

法華玄義釋籤卷第十四

天台沙門湛然述

○次利益妙中二先釋名次正釋自行功德指前五
妙次後四妙已是益他受化得益於茲別立益雖不
等同歸法華是故名爲利益妙也次正釋中先開章
次依章解釋解釋中所以不言序中益者序但預表
當益當文無益可論若作表義神通妙中已略辨竟
今初明來意中初總標益意次別明益初文言所爲
者謂前感應神通說法三妙不空卽是利益利益之
人卽是眷屬次釋論下別明中二初引他經得益不

同。次今經下明今教妙益。初文中所引一論三經。竝
明由佛得王三昧。能身口兩益。語光指前。神通語聞。
指前說法。語身指前。感應又語身亦通。感應神通。前
言不空過者。若度破獲皆不唐捐。通是利益別號。引
淨名中法寶是現身。普照是放光。而雨是說法。華嚴
思益放光等者。彼思益經第二。網明菩薩放光偏照
十方阿僧祇國。一切煩惱痛苦遇光快樂。佛又放六
度及一切法光。皆悉對治衆生慳等諸蔽及一切惑
具。如彼經及華嚴等。次此經中二。先信解。次述成領。
解文略述成文廣具有前來四妙方。有今文利益言。

不能盡者。具如藥草疏中。明橫豎不及等。此明利益
益多故也。餘意在文可見。次明正說益。中文自分三。
先列次釋。釋中初言遠者。此是迹門。故且以大通爲
遠於中。又二。先通叙。次別釋。初文爲四。初略述益。由
次善生下。明益相三死之下。結示四故文下引證。益
相中二。先標次始人天下。釋相善生通淺深惡滅亦
通淺者。若依大經破無明位方名殺人其實惡滅具
如今文通於初後。次別釋中二。先結前生後。次列釋
列釋中二。先七次十。初七中。先大師次私釋。初文二。
先列次郤。以益反釋眷屬。由益成眷屬故也。七益中。

竝以三藏菩薩爲俗諦三昧五通益者。以未斷惑故。別教出假俗諦三昧六通益者。且語斷見思益名爲無漏通。望三藏菩薩全是有漏是故。且與無漏之名。章安云。開前者。開小草爲因果兩益。合後者。合中道次第不次第爲一實事。益俱開俱合。準此可知。次第益者。卽是別中約敎道說耳。次大師開爲十益。於前七中亦不開中道次第不次第。唯於小草開爲因果。又於中草開爲聲聞緣覺二益。更加方便實報二益。以成十益。於中二先結前生後。次正釋釋中二先列。次正釋釋中二。初釋次問答料簡。初文二。初正釋次。

若麤妙機下結初中自爲十。初果益中二標釋。然因果益。通二十五有者。於果報身得現益相。故名果益。言因益者。謂內心轉修。今初果益中三。先釋。次此清涼下。嘲益由三大經下。列經結益。初文者。文中從省四趣自四。四人合一。六欲合一。色界七有。同爲一釋。四空合一。一一文中皆云。其中衆生乃至冥顯兩益者。語略意周。其如感應妙中。嘲感應相。及同異中三十六句。一界十界。并相對中。苦樂關宜。二十五有及別圓等。且語現益。以對先世據理。則通現在未來。具如前文十界中說。不可盡具思之可及。說不可併張。

80 1 2 3 4 5 6 7 8 9

90

1

2 3 4 5 6 7 8 9

100

例不可全闕。一一皆出其苦相爲機。次關宜等可知。初地獄中言八大地獄者。八熱地獄。地獄者梵云泥黎。此云苦具。言地獄者從處爲名。八中各有十六小獄。以爲眷屬。則八箇十六成一百二十八。并根本八合。成一百三十六獄。故俱舍云。此下過二重。無間深廣同上。七捺落迦。八增。皆十六。謂燙煨糞尿。鋒刃烈河。增各住彼四方。無間四門。既各有四。上七亦然。八寒者。且準他文云。百三十六。若準列八文。一煩部陀。此云炮。謂寒風逼身生炮。二刺部陀。此云炮烈。三嫋嘶咤。四囉囉婆。五唬唬婆。此並從聲爲名也。六喰鉢。

羅此云青蓮華。七鉢特摩此云紅蓮華。八摩訶鉢特摩此云大紅蓮華。此並隨身色爲名也。竝在前所說地獄傍本處。下支派不定。或近山河江海地下空及餘處。鬼本處在閻魔王界。故此洲下過五百由旬。有琰摩界縱廣量亦爾。從此展轉以居餘處。或有端正受諸快樂。猶如天中尚有醜陋。今文稍略。地獄諸相廣如觀佛三昧。正法念阿含婆沙俱舍論等。水陸空者。此三是畜生所依處也。大論又有三類攝畜生。盡謂晝行夜行晝夜行。五衰相者。一者頭上華萎。二者腋下汗出。三者項中光滅。四者兩目數瞬。五者不

B01123456789

100

110123456789

100

樂本座。如瘞等八聖種者具如止觀第八記。餘由證二文可見。因益中二先與果益對辨難易同異。次正釋初文者。一果辨多果則難。一心辨多因則易。故於一人心中可辨二十五有因益之相以王三昧力而應之也。正釋又三。初正釋。次合而下。明益由三大經下結。初文又二。先正釋。次如是等下結。初又二。初總釋。次若無下別釋。四因壞益者四趣因也。二十一因成益者四趣已上至非想也。此語先持五戒頓離四趣因者是也。一因成者非想也。此一無壞故也。一因壞者此一唯壞無成。此中明益不可更云成此一故。

也此語先破地獄因說中間漸離故迭有成壞意亦可知。若成就地獄及壞非想非此中意六天因果前三具如正法念等三界因果具如俱舍婆沙次別釋中亦四趣四人各辨六欲色空合明初四趣壞中二先釋次此名下結益初又二先地獄中二先正明惡有欲離下立機緣中二初直明二明得繩者具如止觀第七記。次餘三趣因相略如止觀十心中於中又二先正明有相。次欲離下辨機緣初文自三次機緣如文次辨二十一因者。又二謂人天各先辨相次機感初文先四人中二先正釋因相。次明機感初又三。

801 1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

先總標人因次列三判此中但是略論機應正文在下二十一有一時總明次六欲亦三先總辨因次故云下與四趣四人對辨同異三若修下別明因相次文不同此中乃至下四禪四空不別明機感總在無色文後一時通明次四禪中四禪自爲四有於中初禪加梵王四禪加無想故略釋所加仍不明五聖但是文略次問答引舊等可知次四空文略次結又二初正結次引證次合而下正明益由結文可知三聲聞益中二先明修因意次若持戒下正釋初中言聲牛者由愛尾故入貪其尾乃害其身說文云西夷長

尾牛也有作貓字是人間捕鼠者非此中義又有作貓字未知所從正應作聲字次正釋中亦三先正釋次益由三大經下結益初又二先釋次結位初又二先明破見次明破思初又二先釋次是爲下結初又二初明所修之法通伏愛見以爲機緣初明出家修戒在五停心前次若均下行相又三初五停心位次賢名下四善根位言如救頭然者如止觀第七記三一刹那下初果位文相竝略但列大位耳細相不論次修道中二謂超果及次第也次結位及由結可知此中節節有機感相尋之可見以明賢位及明見道

撰述

法華經疏卷第十四

十四

修道等處處須加故爾。次略支佛又三先略明行相。次此人下略明機應三結位與聲聞共爲中草故云猶也。次言華飛鉗動者論云有國王令宮女摩身爲環鉗。辟支佛鉗動者禪經云有國王令宮女摩身爲環鉗。闡令漸漸減鉗乃至唯一則不復聲。因思此聲從因緣生。倍辟支佛亦如獮猴見支佛坐禪後於餘處見諸外道種種苦行乃教外道跏趺而坐手捻其口合其眼諸外道歎云必有勝法。外道受教皆證支佛。五六度中二先釋次由文闕引大經結初文又二先釋次結位。初釋中四先總次若行下別略行相三六蔽。

下指教四以伏下功能初二如文破人言四者謂如幻等四破天言十七三昧者二十五有除四人四趣猶有十七謂欲界六色界七謂四禪無想梵王五含無色四三昧六度對破六道出地持菩薩戒本六通教益中亦但釋由釋中三先總標三乘次釋次結初如文次文二先二乘次菩薩初文二先破見次破思如文言總別慈悲者例如前文前文云合而言之卽是總也別而言之卽是別也亦是通別通以慈悲用二十五三昧加之別者若令伏見思時用菩薩本初自伏見思中慈悲弘誓熏之若令入空則用菩薩本

撰述

法華經疏卷第十四

四

初修空時慈悲弘誓加之假中準此思之可知。七別人亦先釋次由釋中二先總次別總中言一念等者但期心在果耳。如前廣釋八明圓人中二先明總別次明機緣。初又二先總次別總中亦言一念繫緣等當知二名二義同異永別次若歷下別中言十種境者陰入等十境也。蒙加益等可知。九變易者在方便土於中爲五。初辨人類次故下文下引證。三是人下辨利鈍。四是爲下明益相五若分別下辨土體一異初文云前八番中四處或九處者四處謂四教中各有斷通惑者生於彼界言九處者三藏二人通教三

人別教三人謂住行向圓教一人謂淨六根次引證中引四文也。此經可見勝鬘當知菩薩義兼三教楞伽三人義當四人俱生彼土大論文反舉真以釋似五明土一異者隨機所見二義常存第十實報益中三先總舉人類次但無明下明益相三若分別下正辨土體一異初言八番之中兩人者別教地前圓教住前在同居土得入此位進斷無明生實報土方便土又二人者是前四人中後之二人也此之二人先已入於斷見思惑及無知位生方便土於彼土中進斷無明亦生實報次文言三賢十聖住果報者名雖

80 1 2 3 4 5 6 7 8 9

90 1

100 1

2 3 4 5 6 7 8 9

似別義必依圓以別證道同圓教故卽是兩處十地
合說次結中三初若麤下總結文旨次是爲下結益
由三故令下結正益人次料簡中初問答者二十五
有其名雖偏一一有上惑有淺深是故重重用二十
五故大經云二十五有有我不耶次問三諦在極亦
通凡者由前答云破實報土顯王三昧三諦了了旣
云破實報土狀當三諦唯在於佛是故更問亦通凡
不答中意者三諦名理實無深淺由證不證故分凡
聖初云五陰節是俗諦陰旣至佛當知俗諦亦通至
佛言無等等者如前第二卷記爲顯後地云破實報

耳妙境觀法實通凡聖此中亦是寄文分別令易解
故作三諦相其一諦無非究竟若不爾者如何五
陰而至於佛後問答中二初簡二文次取後文於中
又四先示遠相次從是下明遠益由三彼之下明益
相四斯等下結前生後初二如文三益相中二初明
已入實益次於時下明未入實者初文又二初正明
次引證初又二初得入自滿次益他次引證中成道
證自法輪證他次文若爲未入者復須成熟又爲五
初標忘不忘二人不同次忘者下明忘者須熟三或
多以下明成熟不同四生方便下明入實之處五如

一撰述

法華經疏卷第十四

十四

千下示入實之人故知前明四種結緣四種成熟處得益成內外眷屬及感應中過去感應并境妙中
明二諦意尚取本行菩薩道時而爲華臺而作方便
已入華臺者自是一邊卽是其事今但大通已後若
於此土若方便實報已入實者卽是今文遠益之相
其未入者故生後文近益之相次近益中二先正釋
次料簡初正釋中二先釋次始從下結初又二先釋
次近從下明益不同初又二初約教次約味初約教
又二初釋次復次下判初文又二初總明諸教益相
次別明十益初文又二初通標一期深淺次何者下

釋所以然者始自寂場終至法華雖復差別來至法
華終歸實事竝是示爲四教教主調熟之力功在於
斯雖遠近有殊七益之相不異於遠故云如前又大
小去別明十益中二先約諸教辨因果二益次別對
諸教以明八益初因果二先釋次結初文二先引他
經明因果益次又佛下此經明因果久居黑暗而今
大明故屬果益三辨依教通別大小乘中皆照六道
故云通也次別論下以聲聞去別對諸教故云別也
次判云勝則兼劣者勝謂圓教旣未說開但云兼耳
次五味中二先列次判初文中云熟蘇而有體法等

180 1 2 3 4 5 6 7 8 9

100 1

100 1

100 1

七益者等別圓諸教通途皆有因果兩益雖無三藏中三草自有通中二乘爲中草乾慧性地爲上草入人已去爲小樹八地已去入別教道及別教本人爲大樹被接見中及圓教本人爲實事若方等七益依前所列不同此例次前諸下判可知次雜料簡中初問中云應身益亦令法身益者法身菩薩起應輔於應身佛化聞法進道亦能令此菩薩法身益耶答意者應身之處卽法身應身得益卽法益亦如磨鏡爲見像見像之時卽鏡明其像彌現鏡彌明故像體本不二汝問應益法益不如問像現鏡明不爲是義

故汝問非也次問者法身平等本無應垂應之時名病行應身得益卽法益方丈現病法應病答意者祇爲法身本無病能現病行利衆生利生現病非實病故知法應俱無病次從又下更作一番化功歸已釋利物若少病則少應迹若多名病多機多應多功卽多法身得益理應多次從今作下復有兩箇四句七箇二句而爲料簡初兩箇四句竝約十番之中因果二益以料簡故不相及或有一人得果益或有一人得因益或有一人二俱益或有一人俱無益次四句者自有壞益下列也不成不壞至亦成亦壞更作四

句釋前所列不成不壞釋第四句四趣因益釋前初句非想成益釋第二句中間已去釋第三句如修五戒生於人中四趣之因一時俱壞餘句可見得是分段因果益不得是變易因果益不得是分段因果益得是遠爲實報土家因果益前之七益望於法華有麤有妙繪教約味皆悉不同故知遠近兩益但成判於麤妙來至今經同成一妙方始是開於中又二初標次雖復下釋初標中云今經備有七益者前八番益中合因果益爲一小草益故但七益本謂三草二木及一實事各不相關卽他經七益今開權顯實更

無異趣此卽三草二木同一實相地之所生等一佛乘雨之所潤仍舊爲名名爲七益是則七人同成一實又於一實亦可義立七益之名爲今經七益故云本是地上清涼益今則進發大乘解心明淨等次釋中二先總開次諸經下別開初文者故彼藥草疏中一一文義皆云差卽無差無差卽差今亦如是草木卽一實一實卽草木次別開中二先正開次借益相以判眷屬初文又二初略開故云無差妙益次更借待妙對絕以辨又三初雙標次釋三進入卽是下結判次判眷屬中二先判眷屬次約妙初如文次文者。

80123456789

100

1

2

3

4

但進入之相捨麤入妙。又捨下位進入高位義當相待。不進不妙義當於待其實並與絕待不異。無差卽差。六益宛然差卽無差祇是一實是故此經不捨六名而成一實。然前所明若遠若近不出當文。但約文中騰昔說者名爲遠近三周開廢名爲當文。當知今經所譚異昔況復開顯永異餘經故遠近當文實相無別。故前文云今所入者與本入者不異。次明流通益中標列釋釋中初明師中三例不同謂法身生身及凡夫師初法身弘經者法身從上土來上謂實報等故能上土益物妙音觀音普賢文殊卽其人也。實

報七益如七方便同成一實他土具七亦能令他具足十益。生身菩薩亦能此土他土者神通但能往於他方而未能入方便有餘令他得於權實等益。旣許用權以助於實故知能於他土得前六益名爲權益得一實益名爲實益始於此土得無生忍是故未能於上二土弘經益他雖則自能增道損生未能起應但能此土及以神通往於他土尚未能入方便有餘故云不能上土利益凡夫師者通取五品及以六根淨故今下答問文中引六根文證內凡位名爲凡師次出法者法謂方法亦曰法相弘經方法爲唯用實

80 1 2 3 4 5 6 7 8 9

90

1 2 3 4 5 6 7 8 9

100

1 2 3 4 5 6 7 8 9

撰述

亦許用權爲顯此意故云出法又爲二初正釋次今時下破立初文又三初明雙用次明唯實三又云下釋疑初文二先釋次此則下結初又二先正釋以三助一次但菩薩下明助意初文云經文許用別助圓者經云若不信此法於餘深法中示教利喜者有深復餘者卽別教法也入地名深地前名餘次破立中二先破次善弘下立正出弘經之相次明益中凡言弘經之相益在滅後流通相也於中爲四初出法次出入三正出益四舉況初文二先明正宗中亦有流通之益次展轉去正明流通益初中云譬喻品後等

者品末文云鉢根小智等不得爲說若有利根智慧明了等乃可爲說廣如經文授記品末者四大聲聞得授記已於他方土作佛弘經餘如文法師品中者入室着衣坐座爾乃應爲四衆說法法師品文若作三段仍屬正說若分本迹卽在流通流通正在六七二卷文相可知次初品去約人展轉以下況上八萬大士者如法師品中千界塵數者如神力品中指地涌菩薩是也三明益中卽是末代流通之益初明七益次明穿鑿助顯七益初文言不老等者祇是達老死實相言旋假入空卽三草等益者五品爲小草七

信爲中草上草。亦在五品位中。以同三藏未斷惑故。八信已上爲小樹。十信伏無明爲大樹。初住已上卽實事益。雖分七益位。必在圓。第四明觀心利益中。二先正明觀心。次夫一向下破性過。初又三先明觀境。次若能下勸須起觀。三淨心下正明起觀。初文者。凡一切重罪皆由剎那。故剎那若起已含因果。故大乘觀之已成重因。舉輕責重令勿起剎那次如文。正起觀中二初正明觀相。次以是下結益。所以須明觀心益者。然上來得益由於現身口輪說法。令他得於近遠當文七益十益。然益實由觀法。恐尋者不達文旨。

若遠若近已謝於往。正說流通自屬於他。若不自觀已心。徒數他寶。次破性中二初立性計。次自性下破破文二。先破自次三句例。初破自中四。初立事破。次又汝從下立道理破。三又三事下約法相破。四引證次三句例中二先例。次卽假下結成可解。○五明權實者。大文第五。第二卷初大爲五文釋此十妙。一列名。一生起三引證四廣釋。今當第五結前十妙。以成權實於中爲二。初破古。次正釋。初文又二。先出古人意。次破初云三三之權者。此光宅意。以昔三乘但各有三。故云三三。謂教人因。昔三乘權未至於果。故闢

80123456789

100

1

2

3

4

5

6

7

8

9

於果果卽是理。大小俱有理。大小各有果。何故？昔三
但有於三。昔教何辜而不立理？次破中二。先破三三。
次破四一。初文又四。初直破次。彼下明光宅救大師。
旣不見光宅應是他人。亦曾此破先有斯救。故今述
之三若爾。下重難還以彼三三難。彼無理。四又下重
竝難。次從實有四去難。光宅四一中。但立因果而無
於理。於中爲三初難。次引證責云云。何分別因果爲
理一耶？若爾去重難。若但因果而不出理。則同魔說。
今家和舊亦作四一。乃廢因果以立理一。更加行一。
是故數同而名異。永異二正釋中三初約法。次約五

味三。故知下結判。初文又二。初直就十妙中結。次復
次下約施開相對以結。又二初正結。次引他同三例。
次五味中前四如文。第五味中分二。謂法華涅槃法
華如文。涅槃中二。初與方等辨異。次正約涅槃中。初
約教中云在果四俱實者四教俱得入實故也。若約
四悉十四權二實者。別圓兩教第一義悉皆實故也。
歷四門者。別圓兩教中各有十二權四實。并前兩教
三十二權。故有五十六權八實。若更約因門。五十六
權亦如前。此中重云因者涅槃中人用前三教爲入
實門。兼因作名。有五十六與前數同名之爲權果門。

80 1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

100

者入實爲果。四教四門悉皆入圓。同成一實。無復有權。故云但實。仍其四門本因爲名。故云四實。及別四實入圓。四實同成一實。意亦同之。約果四實十二權者。前之三教入實同圓。故名爲果。就圓四門十六悉檀中。自分權實。四門有四。第一義名爲四實。四門各有餘三悉檀。三四十二名爲權悉。此實中權不復同。前三教三悉。當知三教三悉。卽是權中之權。三教第一義悉。卽是權中之實。圓教第一義悉。卽是實中之實。次總結中二。初約教結。次更約教判。又四初約四教次獨約一圓。用法華待絕以判。今法華是待又開。

權是絕三。獨約圓教以判。亦有待絕。四若取下。約悟以判。問前來諸文。處處約教約味。若判若開。文相已廣。今此何故復重明耶。答。此有多意。前明諸妙。但釋一妙。以爲十相。故一一文中爲欲明妙。先明諸麤。開之成妙。今廣釋已復更束前非。但諸文盡妙。亦乃諸妙無殊。故更合明。祇是權實及開權實。又前諸文自行化他。但明權實未明。權實悉用四悉。四悉之內。幾權幾實。復有諸門。諸門之內。四悉亦爾。故更約五味。諸味法門以判。四悉幾權幾實。是故更此以四悉權實。結前諸文。若約諸教者。但是重結諸權實意。一切

撰述

卷之三

三

諸法亡泯不二。故更約悟開前十妙權實同成一理。心性乃識前來若妙若麤。若開若施空拳咸實。因茲復立大意顯悟誑小之說咸堪被圓。然此迹門譚其因果及以自他使一代教門融通入妙故。凡諸義釋皆約四教及以五味意在開教悉入醍醐觀心乃是教行樞機。仍且略點寄在諸說或存或沒非部正意故縱有施設託事附法或辨十觀列名而已所明理境智行位法能化所化意在能詮詮中咸妙爲辨詮內始未自他故具演十妙搜括一化出世大意罄無不盡故不可不了十妙大綱故攝十妙爲觀法大體。

若解迹妙本妙非遙應知但是離合異耳因果義一自他何殊故下文云本迹雖殊不思議一況體宗用祇是自他因果法故況復教相祇是分別前之四章使前四章與諸文永異若曉斯旨則教有歸一期縱橫不出一念三千世間卽空假中理境乃至利益咸爾則止觀十乘成今自行因果起教一章成今化他能所則彼此昭著法華行成使功不唐捐所詮可識故更以十門收攝十妙何者爲實施權則不二而二開權顯實則二而不二法旣教部咸開成妙故此十門不二爲目一一門下以六卽檢之本文已廣引誠

80 1 2 3 4 5 6 7 8 9

100

1

1 2 3 4 5 6 7 8 9

[撰述]

[卷之四]

[四]

證此下但直伸一理使一部經旨皎在目前

一者色心不二門

二者內外不二門

三者脩性不二門

四者因果不二門

五者染淨不二門

六者依正不二門

七者自他不二門

八者三業不二門

九者權實不二門

十者受潤不二門

是中第一從境妙立名。第二第三從智行立名。第四從位法立名。第五第六第七從感應神通立名。第八第九從說法立名。第十從眷屬利益立名。一色心不二門者。且十如境乃至無諦。一一皆有總別二意。總

在一念別分色心何者。初十如中相唯在色性。唯在心體力作緣義。兼心色因果。唯心報唯約色。十二因緣苦業兩兼惑。唯在心四諦。則三兼色心滅。唯在心二諦三諦。皆俗具色心真中。唯心一實及無準。此可見既知別已攝別入總。一切諸法無非心性。一性無性。三千宛然當知心之色心。卽心名變變。名爲造造。謂體用。是則非色非心。而色而心。唯色唯心。良由於此故知但識一念徧見已他生佛。他生他佛。尚與心同。況已心生佛。寧乖一念。故彼境法差而不差。二內外不二門者。凡所觀境不出內外。外謂託彼依正。

801123456789

100

1

100

色心卽空假中。卽空假中妙故心色體絕唯一實性。無空假中。色心宛然豁同真淨。無復衆生七方便異。不見國土淨穢差品而帝網依正終自炳然。所言內者。先了外色心。一念無念。唯內體三千。卽空假中。是則外法全爲心性。心性無外。攝無不周。十方諸佛法界有情性體無殊。一切咸徧。誰云內外色心已他。此卽用向色心不二門成。三脩性不二門者。性德祇是界如一念。此內界如三法具足性。雖本爾藉智起脩。由脩照性。由性發脩。在性則全脩成性。起脩則全性成脩。性無所移脩常宛爾脩又二種順脩逆脩順謂了性爲行途。謂背性成迷。迷了二心。心雖不二。途順二性。性事恒殊。可由事不移心。則令迷脩成了。故須一期迷了照性成脩。見性脩心。二脩俱泯。又了順脩對性。有離有合。離謂脩性各三。合謂脩二性。一脩二各三。共發性三。是則脩雖具九。九祇是三爲對性。明脩故合脩爲二。二與一性。如水爲波。二亦無二。亦如波水。應知性指三障。是故具三脩從性成成三法爾。達無脩性。唯一妙乘。無所分別法界洞朗。此由內外不二門成。四因果不二門者。衆生心因既具三軌。此因成果。名三涅槃。因果無殊。始終理一。若爾。因德已

具何不住因。但由迷因各自謂實。若了迷性實唯住因。故久研此因。因顯名果。祇緣因果理一。用此一理爲因。理顯無復果名。豈可仍存因號。因果既泯。理性自亡。祇由亡智親疎。致使迷成厚薄。迷厚薄故。强分三惑。義開六卽。名智淺深。故如夢勤加。空名惑絕幻。因旣滿鏡像。果圓空像。雖卽義同。而空虛像實像實。故稱理本有空虛。故迷轉應成性。是則不二而二。立因果殊。二而不二。始終體一。若謂因異果。因亦非因。曉果從因。因方克果。所以三千在理同名無明。三千果成咸稱常樂。三千無改無明卽明。三身竝常俱體。

撰述

淨土真言經卷第十四

十四

等彼百界故須初心而遮而照照故三千恒具遮故法爾空中終日雙亡終日雙照不動此念徧應無方隨感而施淨穢斯泯亡淨穢故以空以中仍由空中轉染爲淨由了染淨空中自亡此以因果不二門成六依正不二門者已證遮那一體不二良由無始一念三千以三千中生陰二千爲正國土一千屬依依正既居一心一心豈分能所雖無能所依正宛然是則理性名字觀行已有不二正依之相故使自他因果相攝但衆生在理果雖未辦一切莫非遮那妙境然應復了諸佛法體非徧而徧衆生理性非局而局

始終不改大小無妨因果理同依正何別故淨穢之土勝劣之身塵身與法身量同塵國與寂光無異是則一一塵刹一切刹一一塵身一切身廣狹勝劣難思議淨穢方所無窮盡若非三千空假中安能成茲自在用如是方知生佛等彼此事理互相收此以染淨不二門成七自他不二門者隨機利他事乃憑本德三諦三千自行唯在空中利他三千赴物物機無量不出三千能應雖多不出十界界界轉現不出一念土土互生不出寂光衆生由理具三千故能感諸

佛由三千理滿故能應。應徧機徧欣赴不差。不然。豈能如鏡現像。鏡有現像之理。形有生像之性。若一形對。不能現像。則鏡理有窮。形事不通。若與鏡隔。則容有是理。無有形對而不像者。若鏡未現像。由塵所遮去。塵由人磨像現。非關磨者。以喻觀法大旨可知。應知理雖自他具足。必藉緣了爲利他功。復由緣了與性一合方能稱性。施設萬端。則不起自性應無方。所此由依正不二門成。八三業不二門者。於化他門事分三密。隨順物理得名。不同心輪鑒機。二輪設化現身說法。未曾毫差。在身分於真應。在法分於權實。二

身若異。何故。乃云。卽是法身。二說若乖。何故。乃云。皆成佛道。若唯法身。應無垂世。若唯佛道。誰施三乘身。尚無身說。必非說。身口平等。等彼意輪。心色一如。不謀而化。常冥至極。稱物施爲。豈非百界一心。界無非三業。界尚一念。三業豈殊。果用無虧。因必稱果。若信因果。方知三密有本。百界三業俱空。假中故使稱足。化復作化。斯之謂歟。故一念凡心。已有理性。三密相海。一塵報色。同在本理。毘羅遮那。方乃名爲三無差別。此以自他不二門成。九權實不二門者。平等大

撰述

卷之三

三

慧常鑒法界亦由理性九權一實實復九界權亦復然。權實相冥百界一念不可分別任運當然至果乃由契本一理非權非實而權而實此卽如前心輪自在致令心口赴權實機三業一念無乖權實不動而施豈應隔異對說卽以權實立稱在身卽以真應爲名三業理同權實冥合此以三業不二門成十受潤不二門者物理本來性具權實無始熏習或實或權權實由熏理恒平等遇時成習行願所資若無本因熏亦徒設遇熏自異非由性殊性雖無殊必藉幻發幻機幻感幻應幻赴能應所化竝非權實然由生具

非權非實成權實機佛亦果具非權非實爲權實應物機契應身土無偏同常寂光無非法界故知三千同在心地與佛心地三千不殊四微體同權實益等此以權實不二門成是故十門門通入色心乃至受潤咸然故使十妙始終理一如境本來具三依理生解故名爲智智解導行行解契理三法相符不異而異而假立淺深設位簡濫三法祇是證彼理三下之五章三法起用三法既是一念三千卽空假中成故有用若了一念十方三世諸佛之法本迹非遙故重述十門令觀行可識首題旣爾覽別爲總符文可

知

指述

十四

法華玄義釋籤卷第十四

天台沙門湛然述

釋此本門十妙於中自二先本迹次十妙所以先明本迹者以本迹名通故須通辨簡通從別使今本迹昭然可觀是故於中先通論本迹次別論本迹通論中二先列亦名生起次釋初中言事理者祇是真俗理教者真俗是理說此真俗名之爲教教行等可解次釋中且爲二先釋次若約下結攝初文自六一一文中皆簡通以出別又一一文皆三謂先釋本迹相次明本迹相顯理融三引文證初理事中云從無住

本立一切法者。無明爲一切法作本。無明卽法性。無明復以法性爲本。當知諸法亦以法性爲本法性卽無明法性復以無明爲本。法性卽無明法性無住處。無明卽法性。無明無住處。無明法性雖皆無住而與一切諸法爲本。故云從無住本立一切法。無住之本既通是故真諦指理也。一切諸法事也。卽指三千爲其森羅。言從本垂迹者。此理性之本迹由此方有外用本迹。是故始從理事終乎已今六重本迹前之五重通已通今通本迹恐濫迹故於一一重顯了釋云。本時實相乃至最初實得實相。又以第六已今一

重判前五重有本有迹。驗知前五皆屬於本又六重未相顯理融中皆云本迹雖殊不思議一者借肇公言。歎本迹理。肇公雖有本迹之言。本之與迹皆屬於迹。今言不思議者。約事則本昔迹今約理則無復今昔。故知理體皆不思議。若約今之五重本迹準義說者。約事則有本中事理迹中事理。約理則無復本迹事理之殊。是故皆云不思議一乃至餘四。亦復如是。第六已今已卽是迹卽指迹門及諸迹教。今卽是本卽指本門。本門已前皆名爲已涌出已後方名爲今。故云已說事理乃至權實名之爲迹。今說事理乃至

權實皆名爲本。故知若無迹中事理乃至權實何能顯於長遠之本。又已今之言雖異前五。亦是一往指於壽量名爲今本。若望初本則應又簡已今不同。法華已前諸經已今仍屬於迹。今經所明乃是真明久遠之本。即是已說已今爲迹。今說已今爲本。方是實說。所以六門引證之文。前三引迹後三引本者。何然。前三復通本之與迹。俱有事理乃至教行體用等三。通中復別。旣云本用本權非迹文能顯。況以本門爲今灼然不可引迹爲是義故。三引迹文。三引本文。又前之三文。既在於因。本因狹故。但以迹例本。故但引

迹門。次結攝中。言若約已今論本迹者去。至不思議是。郤明前來五重本迹。以攝十妙。有本有迹。別約今經本門。所明十麤十妙。方乃名本。方名本妙。又將六重。望於十妙。有全有缺。有多有少。故重明之。於中爲三。初正明相攝。次最初下簡示。三若無下總明相顯理融。初文乘便六雙之中。從後迹識。若識已今卽知餘五。故迹次釋也。所以六門明攝不同者。以六門中三因二果。已今復是今經二門。是故隨義所攝不同。次簡示中。云最初之本。但本而非迹等者。最初實成。旣未垂迹。故唯屬本。中間相望。互爲本迹。又中間所

撰述

法華經疏卷第十一

二五

成垂迹之時名爲亦迹顯本之時名爲亦本最後已說卽是今日已說迹門未顯本時故唯屬迹若無已說卽舉今日迹門今說之本卽舉今日本門○次正明本迹中二先列次釋釋中文自爲十重釋此十妙初略釋中自爲十重於初文稍廣餘九文略初文三初舉本次若十六下舉迹比決三若留下拂迹顯本迹文中云娑婆爲墨至寧當得盡者此引迹門化城品文不合引於彌勒等言彌勒不知文在本門或是借於本中之文來此況喻假使迹中三千塵點補處智力亦不能知若定用迹文則應除彌勒等二十

五字義理卽順師云恐別有意然雖引彌勒語勢稍殊彼本門文但云我等住阿惟越致地於是事中亦所不達今此文中以出假智數世界不知況其塵數若取知塵祇應用出假智耳是故應用前文說也言拂迹顯本者但指若干塵數已前成佛則中間今日任運被拂久遠之本任運可見下去九妙例皆如是此下本果本國二妙唯有二文立妙及拂迹顯本下之七妙直爾指本下更廣釋故此未論文竝可見次生起中三初標來意次正生起三義乃下結意次同異中二先立次作此下釋釋中又二先明開合意

撰述

卷之二

十五

次迹中下正明開合。於中四先明迹中因開果合。次
明感應等不開不合。三本開下明本中因合而果開
四利益一亦同感應等意。初文迹中離因爲四合果
中壽命涅槃爲一三法。合此本門涅槃壽命次感應
等本迹俱有二處名同。同是果上之用。三明本中因
合如前。但明果開迹中無果名。卽成離三法以爲果
等三本中有果名故。但云離二於中爲三。先釋開意。
今佛法華未入滅故。未論涅槃往佛旣於法華唱滅
皆是淨機。次又往事下約事已定。正明開出三迹中
下重釋迹中不用所以。最後一妙二處名同。而今昔

時異。旣本迹十開合之殊。若不了迹中十門。安能曉
此理等六義。及以因等十妙旨歸次引證文三。初引
文意次正引三結初文三初略示引文處所。次然先
佛下明本文略意三。今就下明文略而義周。第五廣
解十文。文自爲十。於中又二。初總明本妙意。次正釋
初文又三。初略明來意。次但本極下明本遠難知。三
雖然下明不可不知。次正明因妙又二。先釋次料簡。
初又三。初立本次迹因多種下引迹辨異。三以三義
下拂迹顯本。下去九妙分文皆然。初文又三。初引文
次釋三一句下結本因四義。下九皆然。言藉草然燈。

80123456789

100

100

等者。大論第四。釋佛與阿難先世因緣中云。釋迦先世作瓦師名曰大光明。爾時有佛名釋迦文。彼佛弟子名如今佛弟子。與佛俱至瓦師舍宿。瓦師以草座然燈。石蜜漿施佛及比丘。發誓願當來五濁之世作佛。佛及弟子如今佛名字不異。昔爲摩納者。具如瑞應然燈授記得無生忍。故知是通佛也。昔爲寶海梵志。具如悲華第二云。有菩薩名寂意。問佛其餘諸佛世界清淨。今佛世尊何故處斯五濁而說三乘佛言。淨不淨土皆本願故。我於過去恆沙阿僧祇劫。此佛世界名刪提嵐劫。名善持輪王。名無諍念王。四天下。

有一臣名曰寶海。是梵志種善知古相。時生一子。三十二相八十種好。諸天常來供養。因爲作字名曰寶藏。後出家成道。亦名寶藏。轉法輪度衆生已。次遊聚落爲聖王說法已。王請安居。王之七寶亦自申供養。王有千子。亦各三月供養。廣如經說。乃至滿二百五十年。後寶海來至佛所得記。作佛。十方微塵世界衆生。凡是寶海先所化者。一時成道。寶海次勸輪王發心。次勸太子發心。次令諸天八部發心。乃至三千世界。皆發菩提心。次於畜生地獄道中。一一衆生前現一佛身。令得離苦。七年之中。人天八部無欲心者。皆

標述

卷之三

十五

興供養。又是彌陀之師者。彼授記品。彼佛先入三昧現十方淨土。集諸菩薩。先授寶海記。寶海次授彌陀記。次授輪王太子記。云汝觀人天及三惡道生大悲心。斷諸苦惱。令住安樂。今當字汝爲觀世音等。輪王太子乃至一切諸天世人。莫不皆是梵志。勸其發心。故皆是師。三拂迹中二先拂。次若得下融通。初文三初示拂之方法。應求三義。次今世下釋拂迹方法意。三若執下斥執迹之失。初文者。自一代教門無不皆云伽耶始成大乘融通。無過華嚴經。初亦云於菩提場始成正覺。故知大小說成皆近。故知是迹第二義。

者。若是本因。不應多種。祇應脩一圓因。感一圓果。既
有四義深淺不同。當知卽是本實成後隨順物機。機
緣不同。從本垂迹。示四因相。故知不同定屬於迹。第
三義者。但開壽量點出最初長遠之本中間。今日任
運自廢。拂者撥也。除也。初爲迹覆。今拂卻覆。示真實
本。因妙旣爾。乃至利益類此可知。次文可知。三斥失
中三。初明執迹迷本。次準下知上。令識迹知本。準下
知上。此之四字。應在輪譬位妙下。或可書悞。卽成兩
文各有法譬。三嗚呼。下歎責次。料簡中間可知。答中
二初總答非初住之難。次又中間下舉果況。因次本

果妙中亦三。如前初文二初引經立本。次釋次舉迹中四教不同中云或言道樹草座三十四心等者。俱舍婆沙智論所明三祇四階成道菩薩今文出處非一道樹天衣具如大品或言寂滅道場具如華嚴或言道場虛空爲座等亦如華嚴普賢觀大論三十八云聲聞經說敷草座衍經中說或見敷草座樹下或見敷天綻六天天衣不同隨福所感或見無量由旬寶座若是下釋上三義斥失等如文次國土妙中分文如前述不同中又二初約他經次約今經迹門初文中四土不同中云或言西方有土名無勝者涅槃云西方過三十六恒沙有土名無勝又云十方世界各有釋迦淨土首楞嚴中復云釋尊有淨土名一燈明是釋迦本土此亦迹中之說言常寂光土者又二先標次釋如本門中地湧菩薩下方空中住從地出已亦詣虛空七寶妙塔彼此虛空俱表寂光寂光理通如鏡如器等者譬如諸天共寶器食如止觀第三記三變土田或見同居淨乃至方便有餘者三變之淨若據土相似同居淨據移天人置於他土純諸寶樹寶獅子座唯有諸佛及諸菩薩則似方便有餘故著或言準文又應亦似實報無障礙土四明感應

文部
卷之三
五

東京大学総合図書館所蔵

80 1 2 3 4 5 6 7 8 9 10

1 2 3 4 5 6 7 8 9 10

1 2 3 4 5 6 7 8 9 10

中文句大同文後更加麤妙廣狹料簡耳。初四教迹不同中云三藏佛一日三時照機者及下通教皆云照九法界。當教皆有三乘故也。三藏中又如大論等云佛入城乞食者爲女人父母所遮不得出故爲病者故爲欲令人見相好故爲本無施心待乞方施者故如是有十因緣竝三藏佛觀機益物之相。次分別中云復次本感迹感麤妙相對四句者本文遠指最初實得之時所被機緣亦有四教則三教爲麤圓教爲妙。迹中被機亦不出四麤妙亦爾故今不從麤妙以判本迹但從最初名之爲本。當知本時麤妙俱妙。

迹中麤妙俱麤廣狹可知應中四句麤妙如文又被多世界爲廣被少世界爲狹最初垂應及中間等亦有廣狹今亦不從廣狹以判故知久成廣狹俱妙中間今日廣狹俱麤。次神通中文句大同又四句料簡如上者本通麤妙迹通麤妙以爲四句本迹廣狹四句亦爾亦不以麤妙廣狹而判本迹但取最初以之爲本六說法妙中明迹不同中二初略例涅槃三味出牛次何者下釋釋中二先釋次問答料簡初釋中二初舉譬次佛亦如是下正合初文又二先總別舉譬次若牛下略以三教結初又二初總次若敢凡草

80123456789

100

100

100

下別初文言良犧不高原不下溼等者此引大經第二破舊醫中云若是乳牛不食酒糟酒糟俗真麥分其犧其犧調善不驟空放牧之處不在高原亦不下溼生飲以清水濁也不令馳走不見散也不與特牛同共一羣佛共法飲食調適不飢空如是乳者名爲甘露秘密藏也忍草者義含多種故別出四味如文次合中二先總次善趣下別別中二先人天四教次五味又二初約部從教次略對四教四佛正合五味竝從牛出初云兩機擊出第四第五味者此華嚴中別圓兩教此卽約部從教立名餘例可知次文者又約當分所說不同復

次下復以四句分別已今故知初明已今本迹猶是一往已迹今本如前分別已本今迹者已本者最初也今迹者迹門是今迹佛所說俱迹者本成已後迹門已前爲已迹今此本門亦是迹佛所說故也今已俱本者最初爲已本本門爲今本權實乃至事理四句云云者各以已今本迹相望爲四句也如已實今權已權今實俱權俱實乃至事理亦復如是但以最初爲已爲本例前可知七眷屬妙中但出本相從文殊觀音至惑者未了略出迹中不同之相隨諸部中列聖之相亦可以爲四相不同今初如文次釋釋中

又二。初正釋。次釋疑。初言法性虛空之寂光者。卽以下方及塔在此方虛空表寂光也。此諸菩薩住下方虛空湧出已後亦住虛空。此土得聞開權顯實得無生忍者亦住虛空之寂光也。雖俱虛空以表寂光能住之人不無久近涌出菩薩得忍已久是故迹中始近入者不識久者次迹中文云文殊觀音或爲師爲弟子者文殊昔爲妙光菩薩教化燈明八王子是八王子相次授記其最後者名曰然燈然燈旣是釋迦之師妙光乃成釋迦九代祖師觀音經中釋迦過去於正法明如來所學習道法正法明如來卽觀音本

身故知文殊觀音竝曾爲師調達卽是阿私陀仙真如今經如是等人郤爲弟子問本迹相望千界塵少增道數多者三千世界地涌菩薩是本時眷屬祇云三千地皆震裂無量菩薩同時涌出若望今時迹中眷屬如分別功德品增道損生初六百八十萬億那由他恒河沙衆生得無生法忍復千倍得聞持一界塵得辯才大千塵得不退中千小千乃至一四天下及八界塵初始發心比於涌出涌出甚少四句分別亦例前文但以久近而判本迹終不以法身深淺化緣廣狹等判也。八涅槃妙者明迹不同中先明迹意。

雖復不同。本無長短次。或取下正。明不同初文意中。云始諸弟子。終於蝮蠶等者。大經列衆八十億百千比丘。成就大乘等一空行六十億比丘尼。皆大阿羅漢。一恒菩薩。一恒優婆塞。三恒優婆夷。四恒離車。五恒大臣。六恒國王。七恒夫人。八恒天女。九恒龍王。十恒鬼神。二十恒金翅。乃至闍浮提中一切蜂王。又東方去此無量無邊恒河沙數微塵世界。彼土有佛號虛空等。如來告第一大弟子。宜往西方娑婆世界。彼土有佛號釋迦文。不久涅槃。汝可持此世界香飯。以獻彼佛。彼佛食已。入於涅槃。并可禮敬。請決所疑。爾

時無邊身菩薩。卽受佛教從座而起。稽首遶無量匝。大菩薩衆俱共發來至娑婆世界。又阿閻世王及其夫人。乃至視毒能殺人者。蛣蟟蝮蠶及十六惡律儀者。蛣蟟亦曰蛣蠶。爾雅云黑甲蟲食糞土也。蝮者毒也。爾雅云蝗子未有翅者。又云廣三寸。身大如臂。史記云。蝮螯手則斷蠶者。毒蟲也。左傳云。蜂蠶者十年尚有毒尾。末卷如婦人髮蛣字。孚目反同福音不有人云。無邊身菩薩身量無邊。云何復云從彼來此。應反質云。既云來此。云何無邊。言無邊者。身實有邊。而名無邊。如阿彌陀壽實有量。而名無量。若壽無量。如何得有。

80123456789

100

100

100

觀音補處倚臥背痛者。如止觀第八記及北首臥等。
 亦三藏佛相具如止觀第一記。次正略不同中二初
 約兩經釋相次結會兩經意同。初文又二先略不同
 以申此經。次經曰下引與大經明同。初文又二先藏
 通次別圓初文二初略標二異次生身下更釋二別
 釋三藏中云食檀耳者長阿含第三云佛至波波城
 閣頭園有長者名周那請佛及比丘僧別爲佛煮旃
 檀耳羹以世奇故獨奉於佛阿難白長者設供無福
 佛最後於其舍食入般涅槃佛言莫作是說長者今
 者獲大福利壽命色力善名生多財寶死生天上次

別圓中二先別次圓別中二先引地人次正釋釋中
 云色解脫乃至識解脫至無餘者既云滅色乃至滅
 識卽是界外析色之義故以因盡名爲有餘與亡名
 爲無餘理而言之變易因果不應分二當知爲成別
 教義也次經曰今日座中等者出像法決疑經與大
 經文同。又二先列次此略下結次大經下會同中四
 初略標同次大經下正會三二經下結同從根利鈍
 四又數數下會明常文同初如文次文中言迦葉初
 問長壽者第三經初設三十六問初問云何得長壽
 金剛不壞身下文答中如長壽品作寄金譬但寄少

撰述

年不寄老人長者行還索金無所。既云行還故知法身常住不滅。下金剛身品廣明護法持不殺戒得令剛身。又經下文處處明於未來常住。第三可見。第四會常中云二萬燈明等於法華明常等者。二萬燈明具如序品中說法華經廣明一乘。一乘即是常住也。九明壽命妙中初立。次引經中先引本文次釋。卽引中間以擬於本明迹不同中二先藏通次別圓初文二先略釋。次此兩下判無法身之本別圓中亦二先略釋。次此等下況結十釋利益妙者亦初略立利益上句立。下句釋。次若迹下明迹不同者今此略列具。

足應如前文七益十益者是言乃至增道等者。約經雖是本門旣是今世迹中指本名爲本門。故知今日正當迹中利益乃至本成已後俱名中間中間顯本得利益者尚成迹益。況復今日以迹下重舉本益之相。本文旣狹亦擬迹而知本。故本本下明相顯融卽衆迹雖多用本爲本故云本本本事已往若不借迹何能識本。如撥影指天卽此義也。六三世料簡者初略立次問答料簡初文三初引經示相次若過去下釋三三世下結結中二先法次譬次問答中初如文第二問者若言諸佛皆有分身多寶亦在諸佛之數

應有分身。何故云全身不散。卽是重難。若全身者。何故復云處處聽經。答中先引大論解八念中。初念佛中云。旣云化身卽是分身。師云去引南嶽釋。依按經文。文云。臨滅度時告四衆言。欲供養我全身者。應起一大塔。出證經時。全身在於塔中。以誓願力。處處聽經。準南嶽釋。多寶滅後。全身不分。不分者。不同碎身舍利耳。未妨諸佛亦有分身。從如入去。兼明法華是圓。是常。口唱下。明具四德。以證常真淨大法者。真是常德淨。是淨德。旣有常淨。豈無我樂。故云二德可知。多寶全身。尚徧十方。故知諸佛亦有分身。鈍者讀文。

猶尚不覺者。不覺此經。具足四德。謬判法華。不明常住。以是而言。古今咸鈍。次問答中。問諸佛顯本。問如文答中。最初妙覺。指初住爲本者。最初得故。若初住位。被加作妙覺佛。亦指初住以爲實本。準淨名疏。應作四句。謂本下迹高。本迹俱下。初住唯得此之兩句。夫論迹者。約有本說。本爲法身迹爲入相。初住之前。無法身本。故不得論本高迹下。仍有過上。又不得論本迹俱高。若本迹俱高及本高迹下。妙覺唯得此之二句。妙覺極位。更無過上。故無本下迹高及本迹俱下。二住已上等覺已還。皆具四句。二住迹現爲初住。

撰述

法華文句卷第十三

十五

初住是迹卽本高迹下二住現爲三住三住是迹卽本下迹高二住現爲二住以望初住卽本迹俱高望於三住卽本迹俱下今文正當本下迹高若云初住之前鑒無所指以體爲本以用爲迹此本迹俱下句也若準此意一切諸佛皆悉顯本又發願故於初住中說壽長遠初住實壽亦復無量故言發願說壽者但得法身必得長壽有緣機熟說遂昔願云從又解最初之佛者卽妙覺身中自將體用以爲本迹此是本迹俱高句唯闕本高迹下一句問中云五佛章云何者如方便品廣開顯中約五佛章皆云亦以無

量乃至皆爲一佛乘故若爾一切諸佛無不開顯答意者佛亦不應一切開權經言一切約出穢土開顯者說耳又問若爾還以妙破妙至例亦應妙者前文既以本妙破於迹妙迹妙成麤從亦應去茲難迹妙被破旣其成麤所破十麤亦應成妙從所破去又以四住重例難云麤是所破旣得成妙四住煩惱亦是所破亦應成妙次答文中重引四住之難以況初難若約頓義四住卽妙應如所問況四住智去汎出初難四住麤惑尚乃成妙況復生滅無生滅智而非妙耶次問意者本成已後中間垂迹偏圓權實同稱權

者以是迹故故皆是權。權即是偏亦可悉皆稱爲偏耶。次答別義者不例法既以定在本在迹定偏定圓教則不爾。在本則權實俱本本故是實。在迹則權實俱迹迹故名權。偏圓乃至體用亦爾法則已定不可在本體用名體在迹體用俱用若教所說在本則體用俱實在迹則體用俱權當知體用等亦得是法事理教教行準此可知故下文云本中事理先得爲妙迹中事理始得爲麤餘教行等例之可見四句者別帶地前麤而證道是妙圓如文帶妙麤者兼通於中故也。又釋者帶麤妙者從通中來故亦帶亦不帶

者帶地前而不帶通藏非帶非不帶者非帶藏通非不帶別二教接通亦爾非帶三藏非不帶通次五味中第三句者方等前三帶後一不帶般若準知第四句者非帶藏通非不帶別問二麤既不同者問藏通答中言事有淺深等者通卽而藏不卽問帶方便實等者問別圓教也俱顯中道而別帶圓不帶次問帶二一等者亦問別圓地前以爲帶二次通論下雖不酬間而廣分別者一句竝是答而略於問耳。問本地等者卷初六重本迹今十妙屬六中何重也答中云乃是等者卷初已分此乃重問何者初云本地五

80 1 2 3 4 5 6 7 8 9

100 1

100 1

重爲本中間今日爲迹旣本地五雙屬本不知五雙如何對本故更問之今答文復含但云共論十妙若爾事理理教敎行祇是因權實體用祇是果家之用果必有體故也用卽感應神通說法說法所被卽成眷屬利益壽命涅槃還是果上法耳故不別叙但云共論第七判麤妙中二先以本對迹相望判之次又迹中下約前六門以判初文者若不先將迹門開顯且判麤妙與本所證更無差別如何得知迹中之妙不及本麤以不約開顯待絕等判但約久遠實成以論故中間今日若麤若妙皆非先得是故先得麤亦

名妙中間今日妙亦成麤次又約六重判者前但開顯久近等展轉束判已竟應更於開顯久近等中細判六門迹麤本妙於中三先釋次況三若發下亦明本迹六門相顯指融之相及不思議一等於中二先約事理一雙略釋次五雙例知又言已今者卽是昔日已得已今爲本今日中間所對已今爲迹中間節節皆有五味敎故四味及以迹門爲已開長遠壽爲今故使已今亦論今昔麤妙故也次明權實中三先本迹相對爲權實以判迹中權實爲權本地權實俱妙以久成故次復次下更約本迹相望論自行等

撰述

法華經疏卷第十二

五

三則本自迹他。本迹相對爲一自他。三復次下更約本迹各有三義以明理同。約事則知本中施麤亦妙迹中開廢猶麤理無麤妙。初文中意具如判麤妙文意於中又二先正疎次迹權本實下疎融通二理不可思議故云法性非古今等次自等文則本中化他亦名爲妙亦應含有不思議融通文無者略應云法性之理非自非他自他雖殊不思議一第三中亦二先釋次融通結歸釋中又二初中言復次迹中約實施權等者然約實施權意在歸實而人多以所施之權謂爲究竟故俱不識若廢權顯實意在所廢之權

初欲廢之故斥此權非爲究竟權是事法而人易知故一代法教自法華前佛意恒實。一乘不退始終不知及至廢權乃云汝等去來寶處在近而人咸知寶處非此此卽是於寶渚之初發足已涉於脩途況復曾已行於三百指我之果卽彼妙因故云易測言華嚴明阿鞞跋致多明事數者引例釋前權易測意也。一切事法無非權施如來久遠爲諸衆生施設方便故恒沙佛法施已皆廢所施之權屬於事相是故事相多爲不退者說卽能於事達不退理又不退位高下不同若是地前行不退位但聞事數知事卽理故

開權顯實得入初地。念不退位能達此權。卽是實相。豈可離此別求實相爲對。跋致故云初地融通如前。問此中第八權實與前第七門判何殊。答前以本迹判於麤妙。及以六門今以權實及自行等以釋權實。則本實迹權自本他迹。又以開顯等轉釋權實。若開迹顯本之權實方名本中之權實。是故重明一理無異。意在於此。問迹門十妙。一一妙中於一一科皆先判次開。今本門中何故但有此麤妙門及以權實皆似判意而無別立開耶。答此與迹門其意稍異。迹門判竟義必須開。何者如判中云若教若味皆前麤後

妙。若不開者人謂三四之外別有圓及醍醐。是故開三卽圓四卽醍醐。今本門十則不如此前廣釋十中。一一皆以三義釋迹。近成不同義當於麤拂迹指本義同於妙。據此已是約事判開。一一復言不思議一此復約理以開一切恐人不了。故復於此別立兩門。判前麤妙此判卽開。況復二文復約理開。問何故迹門無理開耶。答初依境開已是約理。又迹門有教詮理。若開於教卽表理開。今此本門約身約事雖開身事猶須開理。本迹證殊是故皆云不思議一應知始自總釋終至於此。若拂迹指本是約事論開。若以不

撰述

卷之三

十五

思議融通。則開事入理。若不曉十門之旨。將何一理冠諸。一理雖同。十門事別。不思議一。十妙恒殊。差而不差。斯之謂矣。九。明利益中二。先正說益。次流通益。初文又二。初雙標。次雙釋。釋中二。先釋。次若論實道下校量。初又二。先釋。次卽是下結。初又二。先生身次法身。生身又二。先聞迹門。次聞本門。初聞迹門中又四。先。明十妙中益。次。明六卽中益。三如身子下略示其類。四卽是下結。初文者。但得智行位。眷屬利益益也。然須料簡智從解說。故總得之。若破惑之智。須甄於果位。通深淺意亦如之。眷屬可得極至一生修未

出界義非神通。餘未破無明及見思等。則隨惑判釋利益。同爲一實益也。三法屬果。義可通因。則依聲聞咸入初住。今從極果故不通因。次約本門中三。初。明十妙益。次六卽益。三。明增道損生。次法身益。中爲三。初。明益相。次。何以故。下。明益所以。三。故分別下。引證次若論下。較量中。四。初。略辨同異。次。喻如下。借小爲譬。三。前述門下辨。多少深淺。四。當揀下。示文判位。初文云。若論實道。兩處不殊。權智事用。不得相比者。本門法身迹門。生身兩處得益。所證圓理。理無深淺。故曰不殊。豈以初住無生忍位。齊於本門法身一生苦

80 1 2 3 4 5 6 7 8 9 10 1 2 3 4 5 6 7 8 9 10

薩耶。二。三。四。如文。次明流通益。又二。初正釋。次釋疑。初正釋中意者。辨兩處得益冥顯不同。初言迹門冥利益者。但見與記。不云入位。故名爲冥。如分別功德品。卽是顯也。又地涌弘經亦顯益也。或迹門諸菩薩至此復益。及本門中新得益者。或有未預此諸益數。竝有冥益。故云兼得迹門。次釋疑中二先疑。次釋。釋中云待時者。如華嚴不悟待至三昧乃至涅槃。一味中亦有待時。如佛邊未益待共文殊入淨名室。乃至涅槃未悟待至後佛出世之時。待伴者。如在鹿苑待五比丘度五人已處處化益。如華嚴中四大菩薩。

乃至法華中身子彌勒等。及文殊入海領無數衆來至佛所等。涅槃中迦葉德王。師子吼等。又如佛留智積以待文殊。分身不答以待後佛。亦如持品五百聲聞及諸菩薩比丘尼等。皆是待伴。又待時者。如待文殊答問竟時。待彌勒騰疑竟時。待文殊龍宮出時。待妙音東來時等。竝是待時。故知諸佛法身徧一切處而假諸菩薩共化之時。以菩薩爲伴。次引證中二文迹本兩門後令弘此法者。卽是本迹兩門。發誓弘此法華經者是也。次觀心中三。先釋。次引證。三此卽下結益。初文又二。初境次觀。初境又二。初不可觀。次明

可觀。可觀又二。先立次何者下釋中云何者佛如衆生如至利益之相者。如下疏中云速願我如得如佛如說如之壽亦復無量。如是觀如如即是理聞名起觀即是觀行。乃至究竟成無上道故具六即觀又三。先不可觀次我如下可觀三亦願下弘誓次料簡中初問者問云何同異答三雙六句者初兩句約圓理故名與義更互而立以不異故耳。次兩句者今題稱妙破小乘之大。大品題稱大破小乘之妙亦應對教等第三兩句亦對小辨亦應對教等思之可見次問大妙一等約前六句中初兩句爲問次問至一往

斥之者初是問一往下答一往亦得俱稱爲常若其斥之唯有無常不得於常小乘亦有三無爲常若望大乘如寶性論二乘猶是無常等倒名同是一往理異是斥之。竝云不得是妙者既一往名妙斥之則無常故竝云旣無常亦無妙次答中但約一往答不以斥之答從縱之下縱前斥之旣有三無爲之常復言常異者於縱復奪是故云異次又竝者大小俱稱常小乘應會一此約法華爲難答中亦是先同而後異異云何下釋釋中但釋同邊異意如向△次釋蓮華次竝者大乘無常麤不會耶例下答意同前前同後

卷之三

江東先生集卷之五

卷五

先列章次解釋釋初文三先明約譬次明法理三和會二釋初意中云七譬文多者用多語意方顯權實不同蓮華用十二字顯理周足次法理中三法譬合譬中云蛛羅引絲倣之結網博物誌云伏羲造八卦神農造五穀貨狄造舟費帝也維父造臼杵黃帝也蚩尤造兵人帝黃帝造冠冕容成造曆黃帝也歧伯造醫黃帝也正首造數黃帝也臯陶造獄舜時嵇仲造車伯益造井蒙恬造筆蔡倫造紙未見造網人準例可悉會中二先略明融會意次正會中又二先問起次答答中三先正明用法譬次利根下略法譬所以三如

此下結次明舊解中二先叙諸師次叙光宅初文二
先別叙三師次通叙諸師前之三師無破次諸師中
二先列次此十及六下略破列初中言此十譬行妙
中片意者今家行妙具無緣慈悲及戒定慧慧中具
有生滅無生無量無作況復次第不次第及增數等
乃至開顯一心五行攝一切法初云佛性從緣起者
不攝無作但是理性從緣而發第二文既亦云從緣
通攝福德莊嚴等但是遠有生佛果義第三意者但
知心性不離生死旣未脩行但是戒聖行初耳第四
意者見者得入初歡喜地八相成伊此無作慧仍未

終極第五意者微有至著之義故亦在於戒聖行中第六意者明權實不二但是理體亦是戒聖行前之理體耳第七意者云因必含果果旣未現猶在地前無量行中第八意者鈍根菩薩及二乘人猶屬緣因福德所攝第九意者託生處通猶兼方便脩入華臺終未圓極故是無作聖行未終文闕一義例前可知聖行尚自未周況復梵天病兒等行故知此十但是行妙少分而已此六譬祇是今家說法妙中片意者初意者一在三中權猶覆實小部法耳第二意者祇是開權大部法耳第三意者祇是顯露及秘密耳第

四意者祇是廢權立實一意第五意者但是所詮第六意者祇是權實兼用然顯露不定祇攝四時於四時中八教不周故云片意次破光宅中又二先引次破破中二先正破次且助下借彼語助顯正也卽是約因果而論實相三引經論準經本論及大集經初引論中三初列十七名次餘名下引論解釋三今解下今解論意初列名如文次引解中云餘名不解今若欲略知法華論十七名中首第十六旣名妙法蓮華當知諸名竝是法華之異名耳又諸名者但法無喻唯今妙法法喻雙舉故知亦可用於蓮華喻十

六名如妙法者本迹各三無物以喻故喻蓮華餘十六名亦含本迹各有三義迹中諸經不譚佛意故名有量今經本迹施開廢三佛旨無盡故云無量況成道後處處開廢名無量義言最勝者勝祇是妙亦是歎美本迹之辭言方等者亦曰廣平迹本徧收故名爲廣一實無二故名爲平言敎菩薩法者迹門被會純成菩薩本門增進純爲菩薩故下文云若聞此經是善行菩薩道言佛所護念者爲實施權而護於實開權顯實而護於權廢權顯實而護於理爲護故念念持於護本迹准說初成道來念用於實衆生無機

尋思方便念用於權方便既足念顯於實一實既顯權廢實存佛久已成衆生流轉故念垂迹拔此迷徒物雖受道迷於近迹念示遠本廢其近迹佛秘密藏者唯佛與佛乃能究盡非時不授爲秘具一切法爲藏云云一切佛藏者一切諸佛無不入於三德秘藏平等有故故云一切一切佛密字者權實相卽本迹亦然人無知者故名爲密以密爲名故云密字言生一切佛者開權顯實卽識迹佛之所從生開迹顯本卽識本佛之所從生言佛道場者實相卽是迹佛本佛得道之場言佛所轉法輪者三世諸法所轉法輪

撰述

卷之三

十五

不出權實本迹二門。言佛堅固舍利者。此經即是法身全身堅固舍利。不同生身碎身舍利實本不動故名堅固。言大巧方便者。方便既是蓮華異名。古人何故判方便品從昔題名。淨名報恩等經皆有方便品。豈以名同能混其義。淨名等意密以同體兼於三教。名爲方便。今此法華唯一佛乘體內方便故名方便。第一義住者所住卽是諸法實相攝無量名字者。餘經權實尚未相攝。況復本迹。今此二門攝無不盡。如上所釋略辨方隅。若委論者。以論二義。一一對辨。應以六義一一對之。仍引經文。一一證成。皆以妙法轉。

度入餘十六名中方稱文意。三解論意中二。先正釋次何者下重釋。得入由行入住名位。所以如第三卷境妙中已略解竟。

法華玄義釋籤卷第十五



明天啓歲次甲子鹿城張我城法名正照捐刻
法華玄義釋籤全部仰願顯考憲副文奇張
公并祈法界慈親一切衆生同開實相法門
共證法華三昧
大清順治歲次庚子姑蘓管石梁送至武林天
漢大覺菴因爲重校謗字七十餘字補入脫
字十宇
康熙丁未孟冬轉送入徑山古梅菴大藏流行
天溪受登識

撰述

清言文集卷之三

三五

公卿大夫之職事也。故曰：「人臣之職，間實跡出門
或至內朴天子。」
元和癸未甲子夏月清言文齋銀

文言卷不重釋。唐人白詩人曰：各就其類。錄三卷
與人同十六卷中太師文宗三戰論草中二卷五卷

三五

才八